

ROMANOS

Pablo Roma marãrẽ õãdoredea

¹ Y_u Pablo, Jesucristore moãboeg_u ããrã. Marĩp_u y_ure ãgũ masakare tauri kerere buedoreg_u beyepĩmi.

² Iripoegue Marĩp_u ãgũyare weredupuyunerãrẽ iri kerere weredi ããrĩmĩ. Irasirirã irire ãgũya werenĩrĩ gojadea pũgue gojanerã ããrĩmã.

³ ãgũsã gojadea, Marĩp_u magũ marĩ Op_u Jesucristoya kere ããrã. ãgũta i ãm_uguere marĩ irirosũ dup_uk_ug_u deyoag_u, David parãmi ããrĩturiag_u ããrĩdi ããrĩmĩ.

⁴ ãgũ, Õãgũ deyomarĩgũrẽ opag_u ããrĩmi. ãgũ boadero p_ur_u, Marĩp_u ãgũ turari merã ãgũrẽ masũdi ããrĩmĩ ããrĩpererãrẽ: “Diayeta y_u magũ ããrĩmi”, ãrĩ ãmugũ.

⁵ ãgũta g_uare õãrõ irig_u, Jesucristo merã ãgũyare weredoreg_u pĩmi, ããrĩpereri buri marãrẽ ãgũrẽ b_uremurãno ãgũ dorerire iriburo, ãrĩgũ.

⁶ M_usãdere Jesucristoyarã ããrĩburo, ãrĩgũ, beyedi ããrĩmĩ.

⁷ Irasirig_u y_u m_usãrẽ Marĩp_u beyenerãrẽ ããrĩpererã Roma marãrẽ õãdorea. Marĩp_u ããrĩnĩgũ, marĩ Op_u Jesucristo m_usãrẽ õãrõ iritam_u, siuñajãrĩ merã ããrĩrik_umakũ iriburo.

Pablo: “Romague waad_uakoa”, ãrĩ gojadea

⁸ Ire m_usãrẽ werep_urorigura. ããrĩperero marã masaka, m_usã Jesucristore b_uremurĩrẽ

wereníperekõãma. Irire pégu, Jesucristo iritamurĩ merã Marĩpũre usũyari sĩa.

⁹ ããrĩpereri yũ turari merã Marĩpũ yũre dorerosũta masakare ĩgũ magũya kerere werea. Irasirigu ĩgũrẽ sērēriku, mũsãya ããrĩburire sērēbosaníkõãa. Marĩpũ irire masĩmi.

¹⁰ Irasirigu Marĩpũre: “Mũ yũre Romague iriudũagu, yũ waaburire amuyuka!” ārĩ sērēnãa.

¹¹ Mũsã pũro ejagu, gũñaturari merã Jesũre bũremunemburo, ārĩgũ, ĩgũyare weredũakoa, Õãgũ deyomarĩgũ yũre iritamurõsũta mũsãdere iritamuburo, ārĩgũ.

¹² Marĩ Jesũre bũremurã ããrã. Irasirirã mũsã, yũ ĩgũrẽ bũremumakũ ĩãrã, nemorõ gũñaturarãkoa. Yũde, mũsã ĩgũrẽ bũremumakũ ĩãgũ, gũñaturagakoa.

¹³ Yaarã, yũ mũsã pũro waadũarire masĩmakũ gããmekoa. Gajero marã masaka yũ Jesũya kerere weremakũ pérã, ĩgũrẽ bũremuma. Irasirigu mũsãya makã marãdere irire weregu waadũakoa, ĩgũsãde ĩgũrẽ bũremuburo, ārĩgũ.

¹⁴ Marĩpũ yũre ããrĩpererãrẽ iri kerere were-doremi. Paga makãrĩ marãrẽ, mutã makãrĩ marãrẽ, masĩrãrẽ, masĩmerãdere weredoremi.

¹⁵ Irasirigu mũsãya makã marãrẽ Jesũre bũremumerãrẽ ĩgũya kerere bũro weredũakoa.

Jesũya kerere pérã, ĩgũrẽ bũremunũgãrãkuma, ārĩ gojadea

¹⁶ Masaka iri kerere pérã, ĩgũrẽ bũremunũgãrãkuma. Irasirigu Marĩpũ ããrĩpererã Jesũre bũremurãrẽ ĩgũ turari merã taugakumi, perebiri peamegue waabirikõãburo, ārĩgũ. Judío

masaka, judío masaka ããrĩmerãde iri kerere pé, ãgũrẽ bũremumakũ, Marĩpũ ãgũsãrẽ taugũkumi. Irasirigũ yũ, gũyasĩrĩrĩ marĩrõ gũñaturari merã iri kerere werea.

¹⁷ Iri kere ãsũ ãrã. Marĩpũ Jesucristore bũremurã direta: “Õãrã ããrĩma”, ãrĩ ããmi. Marĩpũya kerere gojadea pũguedere ãsũ ãrĩ gojasũdero ããrĩbũ: “Marĩpũ irasũ bũremurãrẽ: ‘Õãrã ããrĩma’, ãrĩ ããmi. Irasirirã ãgũ merã ããrĩnĩkõãrãkuma”, ãrĩ gojasũdero ããrĩbũ.

Masaka ãgũsã ñerĩ iriri merã waja opama, ãrĩ gojadea

¹⁸⁻¹⁹ Marĩpũ masakare ãgũyamarẽ õãrõ masĩmakũ yãmi. ãgũ irire masĩmakũ irikererũrũ, ñerĩrẽ yãma. Irasirirã Marĩpũya diayamarẽ masĩmerã dujama. Irasirigũ Marĩpũ ãmũgasigue ããrĩgũ ããrĩpererã diayamarẽ irimerãrẽ, ñerõ irirãrẽ ãgũ bũro wajamoãburire masĩmakũ yãmi.

²⁰ Marĩpũ deyomarĩgũ ããrĩkererũrũ, ãgũ neõgorague i ãmũrẽ ããrĩpereri iridea merã ãgũ perebiri turarire, ãgũyamarẽ masĩsũa. Irasirirã masaka ãgũrẽ: “Masĩbirisĩã, waja opabea”, ãrĩmasĩbirikuma.

²¹ Marĩpũyamarẽ masĩkererã, ãgũrẽ: “Õãtaria mũ”, ãrĩ bũremubema. ãgũ õãrõ irikererũrũ, ãgũrẽ: “Õãa”, ãrĩ, usũyari sĩbema. Irasirirã ãgũyare pẽmasĩmerã dujama. Ñerĩ direta gũñarĩ opama. Irasiriro ãgũsã gũñarĩguere naĩtĩãrõ irirosũ ããrã.

²² “Gũna masĩrã ããrã”, ãrĩkererã, Marĩpũyare neõ pẽmasĩmerã waama.

²³ Irasirirã Marĩpũ ããrĩnĩgũ gapũre bũremubema. Pũrũgue boaburi gapũre: masaka

keorire, mirã, waimurã paárã, pîrûa keori ïgûsã weadeare buremuma.

²⁴ Irasirigu Marîpu ïgûsârê ïgûsã ñerîrê uribejari direta irinaburo, arîgû, béomi. Irasirirã guyasiürõ ñerîrê gãme irinikõãma.

²⁵ Marîpuya diayema gapure buremubema. Arîgatori direta õarõ péma. Irasirirã Marîpu aarîpereri i umamarê iridi gapure buremumerã, ïgû iridea gapure buremuma. ïgûsã ïgûrê buremubirikerepuru, marî gapu ïgûrê: “Õãtaria mu”, arî, usuyari sinikõarõ gããmea. Irasûta irirã!

²⁶ ïgûsã buremubiri waja Marîpu ïgûsârê béomi, ïgûsã gããmerõ guyasiürõ ñerîrê iriburo, arîgû. Irasirirã nome umarê marâpukudwabema. Nome basita gãme marâpukudwarã irirosû aarîma. Irasirirã ïgûsã nome seyaro ñerõ yama.

²⁷ Umade irirosûta yama. Nomerê marâpokudwabema. Uma basita gãme marâpokudwarã irirosû aarîma. ïgûsã uma seyaro ñerõ yama. Irasirirã ïgûsã basita ñerõ iriri waja ïgûsãya dupurire poyanorêma.

²⁸ ïgûsã Marîpure masîdwabiri waja ïgûsârê béomi, ñerî gûñarî direta opaburo, arîgû. Irasirirã noó gããmerõ ñerîrê irinikõãma.

²⁹ Aarîpereri ñerîrê iririkuma. Uma nome merã, nome uma merã ñerõ iririkuma. Netariro iririkuma. Gajerâyare buro gããmema. Gajerârê ñerõ iridwama. Gajerã gajino opamakû iârã, ïgûsârê iaturima. Gãmewêjêrikurã, gãmekêãrikurã, arîgatorikurã, ñerõ aarîrikurã, buro kerekurã aarîma.

30 Gajerārē ārīgatori merā ñerō ārī wereníma. Marĩpũre gããmemerã dooma. Gajerārē iãmuĩrikũma. “Gajerã nemorō ããrã”, ārī gũñarã: “Õãrō yáa”, ārī weregorenama. Gajerosũperi ñerĩ iririre iribokadũama. Īgũsã pagusãmarãrē tarinũgãrikũma.

31 Õãrĩrē pémasĩduabema. Gajerārē: “Ãsũ irirãra”, ãrĩdeare neō keoro iribema. Neō sugũnorē maĩrĩ merã iãbema. Īgũsãrē gajerã ñerō irideare neō kãtimasĩbema. Gajerārē bopoñabema.

32 Marĩpũ irasirirãrē: “Wajamoãgũra”, ãrĩderosũta irigũkumi. Perebiri peamegue béogũkumi. Īgũsãrē béoburire masĩkererã, ñerĩrē neō piribema. Gajerã Īgũsã irirosũ ñerĩrē irimakũ iãrã, õãrō usũyari merã iãma.

2

Ñerĩ irirãrē Marĩpũ diayeta wajamoãgũkumi, ãrĩ gojadea

1 Irasirirã gajerārē werewũarã Īgũsã irirosũ irikererã, mũsã basita werewũarã yáa. Īgũsãrē: “Īgũsã ñerō iriri waja, waja opama”, ãrĩrã, mũsã basita: “Gũade waja opáa”, ãrĩrã irirosũ ãrĩrã yáa.

2 Marĩpũ ñerĩ irirãrē: “Īgũsã ñerĩ iriri waja, wajamoãgũra”, ãrĩgũ, diayeta ãrĩgũ yámi. Irire masĩa marĩ.

3 Mũsã gajerārē: “Ñerō yáma”, ãrĩ werewũarã, Īgũsã irirosũ irikererã: “Marĩpũ gũa gapũre wajamoãbirikumi”, ¿ãrĩ gũñarĩ? Irire irasũ ãrĩ gũñabirikõãka! Marĩpũ mũsãdere mũsã ñerō iriri waja, wajamoãgũkumi.

4 Mũsã ñerĩ irirã: “Marĩpũ guare buro bopoñarĩ merã ãgũ, mata wajamoãbemi”, ãrĩ gũñabirikõaka! Õãrõ pémasĩka! Mũsã ñerõ iririre bujaweremakũ ãduagu, mũsã gũñarĩrẽ gorawayumakũ ãduagu, mata wajamoãbemi.

5 Mata wajamoãbirikeregũ, mũsã ãgũrẽ neõ pébirimakũ ãgũ, ñerõ iririre neõ piridũabirimakũ ãgũ, mũsã merã guanemomi. Irasirigũ purugue ããrĩpererã ñerãrẽ ãgũ wajamoãrĩnũ ejamakũ, mũsãrẽ buro wajamoãgũkumi. ãgũ irasirimakũ ãrã, ããrĩpererã: “Diayeta ãgũsãrẽ wajamoãgũta yámi”, ãrĩ masĩrãkuma.

6 Irinũrẽ Marĩpũ masakakure ãgũsã irideare ãa beye, keoro wajarigũkumi.

7 Õãrĩrẽ irinĩrã gapũ: Marĩpũ merã ããrĩduarã: “Mũsã õãrõ yáa”, ãrĩmakũ péduarã, ãgũ purugue perebiri okarire opaduarã ããrĩma. Irasirigũ ãgũsãrẽ perebiri okarire sĩgũkumi, ãgũ merã ããrĩnĩkõãburo, ãrĩgũ.

8 ãgũsã gããmerõ irirã gapũ diayemarẽ iridũabema. Ñerĩ direta iridũama. Irasirigũ Marĩpũ ãgũsã merã gua, buro ãgũsãrẽ wajamoãgũkumi.

9 ããrĩpererã ñerĩ irirã ñerõ tari, buro gũñarikũrãkuma. Judío masakare waapurorirokoa. Judío masaka ããrĩmerãdere irasũta waarokoa.

10 Marĩpũ ããrĩpererã õãrĩ irirã gapũre: “Õãrõ yáama”, ãrĩ ãgũkumi. ãgũsãrẽ ãgũ merã õãrõ ããrĩmakũ irigũkumi. Irasirigũ siuñajãrĩ opamakũ irigũkumi. Judío masakare irire iripurorigũkumi. Judío masaka ããrĩmerãdere irasũta irigũkumi.

11 Marĩpũ marĩ ããrĩpererãrẽ: judío masakare,

judío masaka ããrĩmerãdere sũrosũta ãĩami.

12 Judío masaka ããrĩmerã, Marĩpũ Moisére doreri pídeare opabirikererã ñerĩ irimakũ ããgũ, Marĩpũ ãgũsãrẽ perebiri peamegue béogũkumi. Judío masaka ãgũ doreri pídeare oparãde ñerĩ irimakũ ããgũ, ãgũsãdere irire tarinũgãrĩ waja, wajamoãgũkumi.

13 ãgũ Moisére doreri pídeare pékererã irire iribiri-makũ ããgũ, ãgũsãrẽ: “Õãrã ããrĩma”, ãrĩ ããbemi. Irire irirã gapũre: “Õãrã ããrĩma”, ãrĩ ããmi.

14 Judío masaka ããrĩmerã Marĩpũ Moisére doreri pídeare opabirikererã õãrõ irirã, Marĩpũ dorederosũta yãma. Irasirirã ãgũsã basi Marĩpũ doredeare oparã irirosũ irire yãma.

15 Marĩpũ ãgũsã gũñarĩgue ãgũ doredeare masĩmakũ iridi ããrĩmĩ. Irasirirã ãgũ dorederosũta irirã, irire masĩrã irirosũ yãma. Õãrõ irirã, o ñerõ irirã, ãgũsã gũñarĩ merã ãgũsã irideare masĩma. Ñerĩrẽ irianerã: “Waja opãa”, ãrĩ gũñama. Irasũta õãrĩrẽ irianerãde: “Waja opabea”, ãrĩ gũñama.

16 Irasirigũ Marĩpũ ããrĩpererã ñerãrẽ wajamoãrĩnũ ejamakũ, Jesucristore: “Ããrĩpererã gũñarĩrẽ, ãgũsã gajerã ããberogue irideare ãã beyeka!” ãrĩgũkumi. Irasirigũ Jesucristo ñerĩ gũñarĩ oparãrẽ, ñerĩ iririkũrãrẽ: “Wajamoãgũra”, ãrĩgũkumi. Õãrĩ gũñarĩ oparãrẽ, õãrõ iririkũrãrẽ: “Wajamoãbirikoa”, ãrĩgũkumi. Marĩpũ masakare tauri kerere buegũ, irireta buea yũ.

Marĩpũ Moisére doreri pídeamarẽ gojadea

17 Mũsã gapũ: “Gũa judío masaka Marĩpũ Moisére doreri pídeare bũremusĩã, gajerã nemorõ Marĩpũyarã ããrã”, ãrĩ gũñadãa.

18 Gajire ãsũ ãrĩ gũñãa: “Gũa Marĩpũ gããmerĩrẽ, ĩgũ Moisére doreri pídeare masĩrã ããrĩsĩã, õãrĩ di-reta beyemasĩa.

19 Irasirirã koye ĩãmerãrẽ tũãdupuyuwãgãrã irirosũ Marĩpũyare masĩmerãrẽ buemasĩa. Naĩtĩãrõgue ããrĩrãrẽ sĩãgoro irirosũ diayema iririre masĩmerãrẽ diayema gapũre ĩgũsãrẽ iridorea.

20 Marĩpũ Moisére doreri pídeare opasĩã, diayema iririre õãrõ masĩa. Irasirirã masĩmerãrẽ, majĩrã irirosũ ããrĩrãrẽ buerimasã ããrã”, ãrĩ gũñadãa mũsã.

21 Gajerãrẽ irasũ ãrĩ buekererã, ¿nasirirã mũsã basi bueberi? “Yajabirikõãka!” ãrĩ buekererã, ¿nasirirã yajari mũsã?

22 “Gajigũ marãpo, gajego marãpũ merã ñerõ iribirikõãka!” ãrĩ buekererã, ¿nasirirã irasũ yãri? Masaka bũremurĩ keori weadeare dookererã, ¿nasirirã ĩgũsã bũremurĩ wiirimarẽ yajari, irire opamurã?

23 “Marĩpũ Moisére doreri pídeare opasĩã, gajerã nemorõ ããrã”, ãrĩ gũñakererã, iri dorerire tarĩnũgãrã, gajerãdere ĩgũrẽ bũremubirimakũ irirã yãa.

24 Marĩpũya werenĩrĩ gojadea pũgue mũsã irasiririre ãsũ ãrĩ gojasũdero ããrĩbũ: “Mũsã judío masaka, judío masaka ããrĩmerãrẽ Marĩpũre ñerõ ãrĩ werenĩmakũ yãa”, ãrĩ gojasũdero ããrĩbũ.

25 Mũsã judío masaka Marĩpũ Moisére doreri

pídeare irirã, mʉsãya dupɯma gasirogãrẽ* wiirisũnerã ããrĩmakũ Õãgoráa. Marĩpɯ mʉsãrẽ: “Yaarã ããrĩma”, ãrĩĩãmi. Irire tarinɯgãrã, mʉsãya dupɯma gasirogãrẽ wiirisũbirinerã irirosũ ããrã.

²⁶ Judío masaka ããrĩmerã irasũ wiirisũbirinerã ããrĩkererɯɯ, Marĩpɯ Moisére doreri pídeare irimakũ: “Yaarã ããrĩma”, ãrĩ ããgɯkumi. Judío masakadere ãgũsã irire irimakũ, irasũta ãrĩ ããgɯkumi.

²⁷ Judío masaka ããrĩmerã gapɯ ãgũsãya dupɯma gasirogãrẽ wiirisũbirinerã ããrĩkererã, Marĩpɯ doredeare irirã, mʉsãrẽ judío masakare iri doredeare oparãrẽ mʉsã irire tarinɯgãrĩ waja: “Waja opama”, ãrĩrãkuma.

²⁸ Sugɯ judío masakɯ irasũ wiirisũdi: “Marĩpɯyagɯ ããrã”, ãrĩ gũñakeregɯ, Marĩpɯre bɯremubi, diayeta Marĩpɯyagɯ, judío masakagora ããrĩbemi.

²⁹ Marĩpɯyarã gapɯ irasũ wiirisũnerã dita ããrĩbema. Õãgũ deyomarĩgũ ãgũsãya gũñarĩgue òãrĩ merã gorawayumakũ iridero pɯrɯ, ãgũsã Marĩpɯyarã, judío masakagora ããrĩma. Masaka ãgũsãrẽ: “Õãrã ããrĩma”, ãrĩ ããbirikerepɯrɯ, Marĩpɯ gapɯ: “Õãrã ããrĩma”, ãrĩ ããmi.

3

1 Mʉsã, yɯ irasũ ãrĩmakũ pérã: “¿Gua judío

* **2:25** Gn 17.1-14: Iripoegue Marĩpɯ Abrahãrẽ ãgũ pũrã ãmarẽ: “Yaarã ããrĩburo”, ãrĩãgũ, ãgũsãya dupɯma gasirogãrẽ wiiridoredi ããrĩmi. Pɯrɯ iri dorerire Moisére pídi ããrĩmi. Irasirirã judío masaka Abraham parãmerã ããrĩturiarã iri dorerire irirã, ãgũsã pũrã ãmarẽ su mojõma pere gaji mojõ ɯreru pẽrẽbejarinɯrĩ waaró merã ãgũsã deyoadero pɯrɯ irasũ yãma.

masaka, guaya dupuma gasirogārē wiirisūnerā āārīrī wajamarīkuri?” ĵārī gūñarī?

² Gwa judío masaka āārimakū ōāgoráa. Marīpu guare wári ōārīrē sīdi āārimí. Irasirigu guare ĩgūya kerere pīpuroridi āārimí, irire gajerārē were-doregū.

³ Yū irasū ārimakū pérā: “Judío masaka surāyeri Marīpu ĩgūsārē: ‘Āsū irigara’, ārīdeare buremubirimakū, irire iribirikumi” ĵārī gūñarī?

⁴ Neō irasū ārī gūñabirikōāka! Āārīpererā masaka ārīgatokerepuru, Marīpu gapu neō ārīgatobemi. ĩgūya werenírī gojadea pūgue āsū ārī gojasūdero āārībá:

Gwapu, mu werenírī merā masakare mu diayema iririre masīmakū yáa. Mu ārīderosūta ke-oro irimakū, neō sugū masakū murē: “Di-aye iribemi”, ārīmasībirikumi, ārī gojasūdero āārībá.*

⁵ Gajerā irire pérā, āsū ārīmoāmabokuma: “Gwa ñerō iriri merā Marīpu diaye iriri masakare masīmakū yáa. Gwa irasirikerepuru, Marīpu guare wajamoāgū, diaye iribemi”, ārībokuma.

⁶ Neō irasū āārībea. ĩgūsā irasū ārīrī keoro āārīmakū, Marīpu neō sugunorē ĩgūsā ñerō irikerepuru, wajamoābiribokumi.

⁷ Gajerā idere ārīmoāmabokuma: “Gwa ārīgatori merā Marīpu ārīgatobi āārīrīrē masakare masīmakū yáa. Irasirirā ĩgūrē: ‘Ōātarimi’, ārī buremuma. Gwa irasirikerepuru, Marīpu guare wajamoāgū, diaye iribemi”, ārībokuma.

* 3:4 Sal 51.4

⁸ Āsū ārībokuma doja: “Gua ñerĩ irimakũ, gajerã Marĩpũ òãgũ ããrĩrĩ garũre masĩnemorãkuma”, ārībokuma. Surãyeri guare ñerõ guñarĩ merã: “Pablosãde irasũta ārĩ buema”, ārĩ werenĩma. Īgũsã irasũ ārĩrĩ waja Marĩpũ Īgũsãrẽ wajamoãgũ, diayeta irigũkumi.

Āãrĩpererã masaka waja oparã dita ããrĩma, ārĩ gojadea

⁹ ¿Naásũ ārĩ guñarĩ? ¿Marĩpũ ĩũrõ marĩ judío masaka, gajerã nemorõ òãrã ããrĩrĩ? Neõ irasũ ããrĩbea. Marĩ ããrĩpererã judío masaka, judío masaka ããrĩmerãde ñerõ irirã ããrĩsĩã, waja oparã dita ããrã. Irire yu musãrẽ weresiabu.

¹⁰ Marĩpũya werenĩrĩ gojadea pũgue ãsũ ārĩ gojasũdero ããrĩbũ:

Neõ sugũno òãgũ mámi. Neõ marĩgorakõãmi.

¹¹ Neõ Marĩpũyare pémasĩgũ mámi. Neõ sugũno Īgũrẽ masĩduagu mámi.

¹² Āãrĩpererã Marĩpũyare iritũyamerã, dedirimurã dita ããrĩma. Neõ sugũno òãrĩrẽ irigu mámi. Neõ marĩgorakõãmi.✧

¹³ Masãgobe toyori gobe ãrĩwiurosũ Īgũsã ñerĩ werenĩrĩ ããrã. Ārĩgatorikũma. Āña disigue nima opagu irirosũ pũrĩrõ werenĩma.✧

¹⁴ Ñerĩ direta werení, gajerãrẽ dojama. Buro turirikũma.✧

¹⁵ Masakare wējēbéoduari direta opasurima.

¹⁶ Noó Īgũsã waaró masakare poyanorẽ, Īgũsãrẽ ñerõ tarimakũ yãma.

¹⁷ Gajerãrẽ siuñajãrĩ merã ããrĩmakũ neõ iribema.✧

✧ **3:12** Sal 14.1-3; 53.1-3 ✧ **3:13** Sal 5.9; 140.3 ✧ **3:14** Sal 10.7

✧ **3:17** Is 59.7-8

18 Marĩꝑꝛe goepeyari merã bꝛemubema. Irasirirã ãgũrẽ güibema, ãrĩ gojasũdero ããrĩbã.✧

19 Marĩ ire masĩa. ããrĩpererã Moisés doreri gꝛa judío masakare: “Ãsũ irika!” ãrĩ pídeare iripeobirisĩa: “Waja opabea”, ãrĩmasĩbema. Irasirirã ããrĩpererã judío masaka, judío masaka ããrĩmerãde waja opasĩa, Marĩꝑꝛ wajamoãsumurã dita ããrĩma.

20 Neõ sugꝛ masakꝛ Moisés doredeare iripeomasĩbemi. Irasirigꝛ: “Marĩꝑꝛ yꝛe: ‘Õãgũ ããrĩmi’, ãrĩ ããgũkumi”, ãrĩmasĩbirikumĩ. Marĩꝑꝛ iri dorerire pídea merãta marĩrẽ: “Ñerã ããrã”, ãrĩ masĩmakũ yãmi.

Marĩ Jesucristore bꝛemurĩ merã tausũrãkoa, ãrĩ gojadea

21-22 Daporare Marĩꝑꝛ marĩrẽ ire masĩmakũ yãmi. Marĩ Jesucristore bꝛemumakũ, ãgũ Moisére doreri pídeare iripeobirikerepꝛꝛ, marĩrẽ: “Õãrã, waja opamerã ããrĩma”, ãrĩ ããmi. Irasirigꝛ marĩ ããrĩpererãrẽ Jesucristore bꝛemurãrẽ sꝛrosũta ããmi. ãgũ irasũ ãrĩ ããburire Moisés, gajerã ãgũyare weredupuyurimasãde ãgũya kerere gojadea pũgue gojanerã ããrĩmã.

23 Marĩ ããrĩpererã ñerĩ irirã dita ããrã. Irasirirã, Marĩꝑꝛ: “Yꝛ merã õãrõ ããrĩrãkoa”, ãrĩdeare marĩ basi neõ bokabirikoa.

24 Marĩ irasũ ããrĩkerekerepꝛꝛ, Marĩꝑꝛ marĩrẽ maãgũ ãgũ magũ Jesucristore iriudi ããrĩmĩ, marĩ ñerĩ iridea wajare wajaribosadoregꝛ. Irasirigꝛ, marĩrẽ Jesucristore bꝛemurãrẽ: “Waja opamerã ããrĩma”, ãrĩ ããmi.

✧ 3:18 Sal 36.1

25 Marĩpũ Jesucristore ããrĩpererã masakare ãgũsã ñerĩ iridea wajare wajaridoregũ, ãgũrẽ iriudi ããrĩmĩ. Irasirigũ, Jesucristo boagũ dí béodea merã ãgũrẽ bũremurãrẽ ãgũsã ñerĩ iridea wajare kãtidi ããrĩmĩ. Bopoñagũ ããrĩsĩã, iripoegue marãdere ãgũsã ãgũ: “Ãsũ irigũra”, ãrĩdeare bũremudea merã ãgũsã ñerõ iridea wajare kãtidi ããrĩmĩ. Irire irigũ, ãgũ diaye irigũ ããrĩrĩrẽ ãmudi ããrĩmĩ.

26 Marĩpũ datora marãdere Jesús marĩ ñerĩ iridea wajare wajaribosadea merã ãgũrẽ bũremurãrẽ: “Õãrã, waja opamerã ããrĩma”, ãrĩ ããmi. Irasirigũ marĩrẽ ãgũ diaye irigũ ããrĩrĩrẽ masĩmakũ yãmi.

27 Irasirirã Marĩpũ ãũrõ marĩ basita: “Õãrã ããrã, ãgũ Moisére doreri pídeare iripeorã yãa”, ãrĩmasĩbea. Ãsũ gapũ ãrĩ masĩa. Marĩpũ, Jesúsre marĩ bũremumakũ, marĩrẽ: “Õãrã ããrĩma”, ãrĩ ããmi.

28 Ire masĩa. Marĩpũ Moisére doreri pídeare marĩ irimakũ meta marĩrẽ: “Õãrã ããrĩma”, ãrĩ ããmi. Marĩ Jesúsre bũremumakũ, marĩrẽ: “Õãrã ããrĩma”, ãrĩ ããmi.

29-30 ¿Marĩpũ judío masaka direta Opũ ããrĩrĩ? Neõ irasũ ããrĩbemi. Judío masaka, judío masaka ããrĩmerãdere ãgũ sugũta ããrĩpererã Opũ ããrĩmĩ. Irasirigũ, ãgũsã Jesúsre bũremumakũ: “Õãrã, waja opamerã ããrĩma”, ãrĩ ããmi.

31 Irasirirã marĩ Jesúsre bũremurã, ¿Marĩpũ Moisére doreri pídeare béorã yãri? ããrĩbea. Marĩ ãgũrẽ bũremurã Marĩpũ dorerire nemorõ irinemowãgãrãkoa.

4

Pablo, Abraham Marĩpũre bũremudeare

gojadea

¹ Irasirirã, ¿naásũ ãrĩrãkuri Abrahãrẽ, marĩ ñekũ ããrĩpũroridire? ¿Naásũ waayuri ãgũrẽ?

² Marĩpũ Abrahãrẽ: “Õãrõ irigu ããrĩsĩã, õãgũ ããrĩmi”, ãrĩ ããbodi ããrĩkerepũũ, Abraham ãgũ basi: “Marĩpũ ãũrõ õãrõ yãa”, neõ ãrĩmasĩbiriunadi ããrĩmĩ.

³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Abraham Marĩpũre bũremumakũ, Marĩpũ ãgũrẽ: ‘Õãgũ ããrĩmi’, ãrĩ ããdi ããrĩmĩ”, ãrĩ gojasũdero ããrĩbũ.

⁴ ãsũ ããrã. Sugũ gajino moãdire wajarirã, irasũ sũkõãrã meta irikuma. ãgũ moãdea waja wajarirã irikuma.

⁵ Marĩpũ gapũ irasiribemi. Ñerãrẽ, ãgũsã õãrĩrẽ iribirikerepũũ, ãgũrẽ bũremumakũ: “Waja opamerã ããrĩma”, ãrĩ ããmi. Irasirigu, marĩ ãgũrẽ bũremumakũ: “Yũ ãũrõ õãrã ããrĩma”, ãrĩ ããmi.

⁶ Iripoeguemu Davide yũ ãrĩrõsũta gojadi ããrĩmĩ. Marĩpũ masaka iririre ããgũ: “Õãrã ããrĩma”, ãrĩ ããgũ meta ããrĩmi. ãgũrẽ bũremurã direta: “Õãrã ããrĩmã”, ãrĩ ããgũ ããrĩmi. Irasirirã ãgũ merã õãrõ usuyama.

⁷ Irire ãsũ ãrĩ gojadi ããrĩmĩ David: Marĩpũ dorerire tarinũgãrãrẽ ãgũsã ñerõ iridea wajare ãgũ kãtimakũ, õãrõ usuyama.

⁸ Marĩpũ ãgũsã ñerõ iridea wajare: “Neõ gũñabirikoa”, ãrĩmakũ, õãrõ usuyama, ãrĩ gojadi ããrĩmĩ David.✧

⁹ Judío masaka ãgũsãya dupũma gasirogãrẽ wiirisũnerã dita usuyabirikuma. Judío masaka ããrĩmerãde usuyarãkuma. Abrahãrẽ dupaturi

✧ 4:8 Sal 32.1-2

gũñaka! Īgũ Marĩpũre bũremumakũ, Marĩpũ Īgũrẽ: “Õãgũ, waja opabi ããrĩmi”, ãrĩ ĩãdi ããrĩmĩ.

10 ¿Naásũ ããrĩmakũ, Marĩpũ Abrahãrẽ: “Õãgũ ããrĩmi”, ãrĩ ĩãyuri? Īgũya dupũma gasirogãrẽ wiiridero pũru, ¿ĩgũrẽ irasũ ãrĩ ĩãyuri? ããrĩbea. Īgũ irire iriburi dupuyurogueta: “Õãgũ ããrĩmi”, ãrĩ ĩãsiadi ããrĩmĩ.

11 Marĩpũ Īgũrẽ: “Õãgũ ããrĩmi”, ãrĩ ĩãdero pũru, Īgũrẽ irasũ wiiridoredi ããrĩmĩ, Īgũyagũ ããrĩrĩrẽ ĩmudoregũ. Irasirigũ dupuyurogue Īgũrẽ: “Õãgũ ããrĩmi”, ãrĩ ĩãdeare diaye masĩmakũ iridi ããrĩmĩ. Sugũ Abraham bũremuderosũta Marĩpũre bũremumakũ, Marĩpũ Īgũrẽ: “Õãgũ ããrĩmi”, ãrĩ ĩãmi. Irasirigũ Abraham ããrĩperẽã Marĩpũre bũremurã ñekũ ããrĩpũroridi ããrĩmĩ, Īgũsãya dupũma gasirogãrẽ wiirisũbirikerepũru.

12 ããrĩpererã Īgũsãya dupũma gasirogãrẽ wiirisũnerã Marĩpũre bũremurã, diayeta Abraham parãmerã ããrĩma. Abraham irasũ wiirisũburi dupuyuro Marĩpũre bũremuderosũ Īgũsãde bũremurã, diayeta Abraham parãmerã ããrĩma.

Marĩpũ, Abraham Īgũrẽ bũremumakũ: “ãsũ irigũra”, ãrĩdeare gojadea

13 Marĩpũ Abrahãrẽ: “I nikũrẽ mũrẽ, mũ parãmerã ããrĩturiarãdere sĩgũra”, ãrĩdi ããrĩmĩ. Īgũ doredeare irimakũ ĩãgũ meta irasũ ãrĩdi ããrĩmĩ. Īgũrẽ bũremumakũ: “Õãgũ ããrĩmi”, ãrĩ ĩãdi ããrĩmĩ. Irasirigũ Īgũrẽ: “I nikũrẽ sĩgũra”, ãrĩdi ããrĩmĩ.

14 Marĩpũ Īgũ doredeare irirã direta: “Sĩgũra”, ãrĩdeare sĩmakũ, marĩ Īgũrẽ bũremurĩ

wajamarĩbokuyo. Irasũ ããrĩmakũ, ĩgũ Abrahãrẽ: “Sĩgũra”, ãrĩdea ubu ããrĩrĩta ããrĩyuwarikũkõãbokuyo.

15 Marĩpũ Moisére doreri pídeare masĩkererã, irire tarinũgãrã, wajamoãsũrãkuma. Iri doreri marĩmakũ, irire neõ tarinũgãrĩ marĩbokuyo.

16 Irasirigũ Marĩpũ ĩgũrẽ bũremurã direta ĩgũ Abrahãrẽ ãrĩderosũta sīgũkumi. ĩgũ doreri pídeare irirã direta: “Sĩgũra”, ãrĩbirikumi. Abraham Marĩpũre bũremuderosũ bũremurãno ĩgũ parãmerã ããrĩturiarã ããrĩma. Irasirigũ Marĩpũ Abrahãrẽ ãrĩdeare ĩgũsãrẽ ããrĩpererãrẽ wajamarĩrõ sīgũkumi. Abraham, marĩ ããrĩpererã Marĩpũre bũremurã ñekũ ããrĩdi ããrĩmĩ.

17 Marĩpũ ĩgũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Mũrẽ wãri buri marã ñekũ ããrĩbure pĩbũ”, ãrĩdi ããrĩmĩ. Marĩpũ irasũ ãrĩmakũ pégu, Abraham ĩgũrẽ bũremudi ããrĩmĩ. Irasirigũ Marĩpũre bũremugũ, ĩgũ ĩũrõ marĩ ñekũ ããrĩdi ããrĩmĩ. Marĩpũ boanerãrẽ masũgũ ããrĩmĩ. ĩgũ werenĩrĩ merã dupuyurogue marĩdeare ããrĩmakũ irimasĩmĩ.

18 Marĩpũ Abrahãrẽ: “Mũ parãmerã ããrĩturiarã wãrã ããrĩrãkuma”, ãrĩripoere Abraham gapũ pũrã marĩdi ããrĩmĩ. Pũrã marĩkeregu: “Marĩpũ ĩgũ yũre ãrĩderosũta irigũkumi”, ãrĩ bũremudi ããrĩmĩ. Irasirigũ Abraham wãri buri marã ñekũ waadi ããrĩmĩ.

19 ĩgũ cien bojori opakeregu, ĩgũ marãpode búro ããrĩkerepũrũ, Marĩpũre bũremusiã: “Neõ pũrãkũbirikoa”, ãrĩ gũñabiridi ããrĩmĩ. ãsũ gapũ ãrĩ gũñadi ããrĩmĩ: “Gũare pẽrãguereta

pūrākuboadero tarikerepuru, Marīpu īgū yure ārīderosūta irigukumi. Yu irire masīa”, ārīdi āārīmī.

20 “Marīpu ārīderosūta irigukumi”, ārī bremurīrē neō piribiridi āārīmī. Irasirigu gūñatura, Marīpure bremunemodi āārīmī. “Marīpu turatarigu āārīmī”, ārī, usuyari sīdi āārīmī.

21 Irasirigu Abraham: “Marīpu yure ārīderosūta diayeta īgū turari merā iriyuwarikugukumi. Yu irire oārō masīa”, ārī bremudi āārīmī.

22 Īgū bremumakū, Marīpu īgūrē: “Ōāgū āārīmī”, ārī iādi āārīmī.

23 Irire Marīpuya werenīrī gojadea pūguere gojasūdero āārībú. Iri Abrahāyama direta gojadea meta āārīdero āārībú.

24-25 Marīpu Abrahārē: “Ōāgū āārīmī”, ārī iāderosūta marīdere: “Ōārā āārīma”, ārī iāburire gojadea āārīdero āārībú. Irasirigu Marīpu, marī īgūrē bremumakū, marīdere: “Ōārā āārīma”, ārī iāmi. Marī ñerī iridea waja Marīpu Jesúre īgūrē wējēmurāguere wiadi āārīmī, marīrē boabosaburo, ārīgū. Marī Opu Jesús boadero puru, Marīpu marīrē oārā, waja opamerā āārīmakū iribu, īgūrē masūdi āārīmī.

5

Marīpu iūrō waja opamerā āārā, ārī gojadea

1 Marī Opure Jesucristore marī bremumakū, Marīpu marīrē: “Ōārā, waja opamerā āārīma”, ārī iāmi. Irasirigu Marīpu, Jesús marī ñerī iridea waja boabosadea merā marīrē īgū merā siuñajārī opamakū iridi āārīmī.

2 Marĩ Jesucristore buremurã, Marĩpũ marĩrẽ maĩgũ merã õãrõ ããrã. Pũrugue Marĩpũ ĩgũ irirosũ marĩrẽ õãrã ããrĩmakũ irigũkumi. Irasirirã gũñaturari merã, õãrõ usuyari merã ĩgũ õãrõ iriburire yúa.

3 Gajire masĩa. Marĩ ñerõ tarirã, Marĩpũre marĩrẽ iritamugũrẽ gũñaturanemorãkoa. Irasirirã marĩ ñerõ tarikererã, usuyamasĩa.

4 Marĩ ĩgũrẽ gũñaturari merã ñerõ taririre bokatĩũmakũ, Marĩpũ marĩrẽ: “Õãrõ yáma”, ãrĩgũkumi. Irasirirã, ĩgũ marĩrẽ õãrõ iriburire gũñaturari merã yúa.

5 Marĩpũ marĩrẽ Õãgũ deyomarĩgũrẽ iriudi ããrĩmĩ marĩ merã ããrĩdoregũ. Irasirigũ Õãgũ deyomarĩgũ merã marĩrẽ ĩgũ maĩrĩrẽ opatarimakũ yámi. Irasirirã: “Marĩpũ marĩrẽ: ‘Õãrõ iritamugũra’, ãrĩdeare keoro irigũkumi”, ãrĩ masĩa.

6 Marĩ basi peamegue waaburire tari-masĩbirimakũ, Marĩpũ marĩrẽ tauripoe ejamakũ, Cristo marĩ ñerãrẽ boabosadi ããrĩmĩ.

7 Marĩ gapũ sugũ boaboadeare boabosabirikoã, ĩgũ diayemarẽ irigũ ããrĩkerepũ. Gajipoe irirã sugũ õãgũ gapũre boabosabokoã.

8 Marĩpũ gapũ marĩ ñerã ããrĩkerepũ ĩgũ marĩrẽ bure maĩrĩrẽ masĩmakũ iribu, Cristore iriudi ããrĩmĩ. Irasirigũ Cristo marĩya ããrĩburire boabosadi ããrĩmĩ.

9 Cristo boagũ ĩgũya dí béodea merã Marĩpũ marĩrẽ waja opamerã ããrĩmakũ iridi ããrĩmĩ. ĩgũ irasiridero nemorõ ĩgũ ããrĩpererã ñerãrẽ wajamoãrĩnũ ejamakũ, Cristo merãta marĩrẽ taugũkumi.

10 Marĩ Marĩpũre gããmemerã ããrĩkerepũũ, ĩgũ magũ marĩrẽ boabosadea merã ĩgũ merã siuñajãrĩ opamakũ iridi ããrĩmĩ. ĩgũ irasiridero nemorõ Cristo marĩrẽ boabosa, dupaturi okadea merã marĩrẽ ĩgũ merã siuñajãrĩ oparãrẽ taugũkumi.

11 I gaji ããrĩnemoa. Marĩpũ, marĩ Opũ Jesucristo merã marĩrẽ ĩgũ merã siuñajãmakũ irideare gũñarã, ĩgũ merã bũro ɥSɥyãa.

Adán, irasũ ããrĩmakũ Cristo iridea

12 Āsũ ããrã. Neõgoraguere Adán ñerĩ iripũroridi ããrĩmĩ. ĩgũ ñerĩ iridea waja boadi ããrĩmĩ. ĩgũ sugũya waja merãta ããrĩpererã ĩgũ parãmerã ããrĩturiarãde ñerĩ iri, boamurã dita ããrĩma.

13 Marĩpũ Moisére ĩgũ doreri pĩburi dupuyurogueta masaka ñerĩ irisianerã ããrĩmã. ĩgũsã ñerĩ irikerepũũ iri doreri marĩmakũ, Marĩpũ ĩgũsãrẽ: “Iri dorerire tarinũgãrĩ waja, waja opama”, ãrĩbiridi ããrĩmĩ dapa.

14 Irasũ ããrĩkerepũũ, Adán parãmerã ããrĩturiarã Moisés ããrĩdeapogue ããrĩnerãde boanerã ããrĩmã. ĩgũsã Marĩpũ doredeare Adán tarinũgãderosũ iribirikererã, ĩgũsã ñerĩ iridea waja boanerã ããrĩmã. Adán i ãmũrẽ ããrĩpũrorigũ, Marĩpũ doredeare tarinũgãpũroridi ããrĩmĩ. Jesucristo gapũ i ãmũguere aarigũ, Marĩpũ dorerire tarinũgãbiripũroridi ããrĩmĩ.

15 Marĩ Adán tarinũgãdeare, Marĩpũ marĩrẽ maĩgũ õãrõ irideare masĩa. Adán sugũya waja merãta masaka ããrĩpererã boamurã dita ããrĩma. Marĩpũ gapũ marĩrẽ maĩgũ, marĩrẽ taubure Jesucristore iriudi ããrĩmĩ. Irasirigũ Jesucristo sugũ ããrĩkeregũ, ããrĩpererãya ããrĩburire wajamarĩrõ

boabosadi ããrĩmĩ. Irasirigu Marĩpu Jesucristo merã marĩrẽ wãro õãrĩ iridi ããrĩmĩ.

16 Adán Marĩpu doredeare suñarõ tarinugãdea waja merãta ããrĩpererã masaka waja opama. Marĩ wãri ñerĩ irikerepuru, Marĩpu marĩrẽ maĩgũ, waja-marĩrõ Jesucristore iriudi ããrĩmĩ, marĩ ñerõ iridea wajare taudoregu. Irasirigu Jesús merã marĩrẽ waja opamerã ããrĩmakũ iridi ããrĩmĩ.

17 Adán sugu Marĩpu doredeare tarinugãdea waja merãta marĩ ããrĩpererã boamurã dita ããrã. Marĩpu gapu marĩrẽ buro maĩgũ Jesucristore iriudi ããrĩmĩ, marĩrẽ boabosadoregu. Irasirigu Jesucristo sugu marĩrẽ wajamarĩrõ boabosadea merã Marĩpu marĩrẽ: “Õãrã, waja opamerã ããrĩma”, ãrĩ ããmi. Ìgũ irasiridero nemorõ Jesucristo merã ìgũ irasũ ãrĩ ããrãrẽ maama okari opamakũ irigukumi, ìgũ turari merã ìgũyare iriburo, ãrĩgũ.

18 Adán, Marĩpu doredeare tarinugãdea waja merãta masaka ããrĩpererã ñerĩrẽ iriwekabejama. Irasirirã Marĩpu wajamoãsumurã dita ããrĩma. Jesucristo diayema irigu marĩ ñerĩ iridea waja boabosadea merã gapu Marĩpu marĩrẽ: “Õãrã, waja opamerã ããrĩma”, ãrĩ ããmi, ìgũ merã ããrĩnĩkõãburo, ãrĩgũ.

19 Æsũ ããrã. Adán, Marĩpu doredeare tarinugãdea waja merãta masaka ããrĩpererã ñerĩrẽ irirã dita ããrĩma. Jesucristo Marĩpu dorerire iridea merã ããrĩpererã ìgũrẽ buremurãnorẽ waja opamerã ããrĩmakũ iridi ããrĩmĩ. Irasirigu Marĩpu ìgũsãrẽ: “Õãrã ããrĩma”, ãrĩ ããmi.

20 Marĩpu ìgũ dorerire pídi ããrĩmĩ, marĩrẽ iri dorerire tarinugãrĩrẽ masĩnemomakũ iribu. Wãri

ñerĩ marĩ irikerepuru, Marĩpu gapu marĩrẽ buro maĩgũ, marĩ ñerĩ iriro nemorõ Jesucristo merã marĩrẽ õatariro iridi ããrĩmĩ.

²¹ Marĩ ããrĩpererã ñerĩ iridea waja boamurã dita ããrĩunanerã ããrĩbũ. Irasũ ããrĩkerepuru, Marĩpu marĩrẽ maĩgũ, bopoñarĩ merã iãsĩã, marĩ Opu Jesucristo boabosadea merã marĩrẽ waja opamerã ããrĩmakũ iridi ããrĩmĩ, ĩgũ puro perebiri okarire opadoregu.

6

Cristo merã õãrõ ããrĩã, waja opamerã ããrĩrĩmarẽ gojadea

¹ Marĩpu marĩrẽ bopoñamakũ iãrã, ¿naásũ ãrĩrãkuri? Marĩrẽ ĩgũ bopoñanemomakũ iãduarã, ¿ñerĩrẽ irinemorãkuri?

² Irasũ neõ ããrĩbea. Marĩ Jesucristo marĩrẽ boabosadi merã boanerã irirosũ ããrã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea.

³ Musã ire masĩa. Marĩ deko merã wãĩyesũrã, marĩ Jesucristoyarã ããrĩrĩrẽ ĩmubu. Marĩ ĩgũyarã ããrĩsĩã, ĩgũ boamakũ, marĩde ĩgũ merã boanerã irirosũ waanerã ããrĩbũ.

⁴ Marĩ wãĩyesũrã, ĩgũ boadero puru yáasũmakũ, marĩde ĩgũ merã yáasũnerã irirosũ waanerã ããrĩbũ. Marĩpu umugasigue ããrĩgũ ĩgũ turari merã ĩgũrẽ masãgũ, marĩdere ĩgũ merã masãnerã irirosũ ããrĩmakũ iridi ããrĩmĩ, ĩgũ merã maama okarire opaburo, ãrĩgũ.

⁵ Marĩ Cristoyarã ããrĩsĩã, ĩgũ boaderosũta marĩde ĩgũ merã boanerã irirosũ waanerã ããrĩbũ.

Irasirirã, ĩgũ boadigue masãderosũta marĩde masãrãkoa.

⁶ Āsũ masĩa. Cristo curusague boamakã, marĩ ñerĩ direta iririkũnerã ĩgũ merã curusague boanerã irirosũ waanerã ããrĩbũ. Irasiro marĩ ñerĩrẽ ɸaribejari, marĩrẽ tarinũgãmasĩbirikoa pama.

⁷ Masaka boadero pũɸ, ĩgũsã ñerĩ iririkũire neõ irinemobirikuma.

⁸ Marĩ Cristo merã boanerã irirosũ ããrĩrã: “Īgũ merã õãrõ ããrĩnikõãrãkoa”, ãrĩ bũremua.

⁹ Idere õãrõ masĩa. Cristo boadero pũɸ, Marĩpũ ĩgũrẽ masũ, dupaturi okamakã iridi ããrĩmĩ. Irasirigũ Cristo dupaturi neõ boabirikumi pama. Boari neõ dupaturi ĩgũrẽ tarinũgãmasĩbirikoa.

¹⁰ Īgũ suñarõta boari merã marĩ ñerĩ iridea wajare boa, wajaripeokõãdi ããrĩmĩ. Īgũ boadero pũɸ, Marĩpũ ĩgũrẽ masũ, dupaturi okamakã iridi ããrĩmĩ. Īgũrẽ masũ, dupaturi okamakã iridero pũɸ, Marĩpũ gããmerõsũta irigũ Marĩpũ merã õãrõ ããrĩnikõãmi.

¹¹ Irasirirã mũsã ãsũ ãrĩ gũñaka! “Gua Opũ Jesucristo merã gua boanerã irirosũ ããrĩsĩa, gua ñerĩrẽ iriunaderosũ irinemobirikoa”, ãrĩ gũñaka! “Irasirirã ĩgũyarã ããrĩsĩa, Marĩpũ gããmerõsũta iri, ĩgũ merã õãrõ ããrĩnikõãrã!” ãrĩ gũñaka!

¹² Irasirirã mũsãya dupũ boaburi dupũ merã ñerĩrẽ neõ irinemobirikõãka, mũsã ñerĩrẽ ɸaribejari mũsãrẽ tarinũgãbirikõãburo, ãrĩrã!

¹³ Mũsãya mojõrĩ, mũsã gũñarĩ, ããrĩpereri mũsãya dupũgue ããrĩrĩ merã ñerĩrẽ iribirikõãka! Mũsã Cristo merã boanerã dupaturi okarã irirosũ ããrã. Irasirirã ãsũ gapũ irika! ããrĩpereri mũsãya

dupugue ããrĩrĩrẽ Marĩpũre wiaka, ãgũ gããmerõsũta õãrĩ direta irimurã!

14 Marĩ irire irasirimakũ, marĩ ñerĩ iridũari marĩrẽ tarinũgãmasĩbirikoa. Marĩpũ marĩrẽ: “Yũ Moisére doreri pídeare iribirimakũ, mũsãrẽ béogura”, ãrĩbemi. Ásũ gapũ marĩrẽ yámi. ãgũ marĩrẽ maĩgũ ããrĩsĩã, marĩrẽ iritamumi, ãgũ doredeare iriburo, ãrĩgũ.

Marĩ, Cristore moãboerã ããrĩrĩmarẽ gojadea

15 Marĩpũ marĩrẽ maĩmakũ ããrĩrẽ: “Marĩ, Marĩpũ doreri pídea merã ããrĩbea. Irasirirã ñerĩrẽ irirã!” ¿ãrĩrĩ? Irire neõ ãrĩbirikõãrã!

16 Mũsã ire õãrõ masĩa. Marĩ sugũ dorerire irirã, ãgũyarã ãgũrẽ moãboerã ããrĩrãkoa. ãgũ marĩ opũ ããrĩgũkumi. Iri irirosũta marĩ ñerĩ iridũari, marĩ opũ, marĩrẽ doregũ irirosũ ããrĩrokoa. Irasirirã marĩ ñerĩ iririre pirimerã, Marĩpũ merã perebiri okari bokabirikoa. ãgũ doreri gapũre irirã ãgũrẽ moãboerã diayemarẽ irinĩrãkoa.

17-18 Iripoegue ñerĩ iridoregũyarã ãgũrẽ moãboerã irirosũ mũsã ñerĩ iridũarire irinerã ããrĩbũ. Marĩpũ mũsãrẽ ãgũya buerire pémasĩmakũ iridero pũrũ, ãgũ doreri gapũre mũsã õãrõ iritũyáa. Irasirirã ñerĩ iridoregũyarã ãgũrẽ moãboerã irirosũ neõ ããrĩbea pama. ãgũrẽ wirinerã irirosũ ããrĩrã, Marĩpũre moãboerã ñajãnerã ããrã, diayema gapũre irimurã. Irasirirã irire gũñarã: “Mũ gũare irasiridea õãtaria”, ãrĩ, mũsũyari sika ãgũrẽ!

19 Yũ ire mũsãrẽ pémasĩmakũ gããmegũ, masaka ãgũsã gũñarĩ merã wererosũ werea. Iripoegue ããrĩpereri mũsãya dupugue ããrĩrĩ merã mũmarikũ ñerĩ direta irinĩkõãnerã ããrĩbũ. Daporare ããrĩpereri

mʉsāya dupugue āārīrīrē Marīpʉre wiaka, īgūrē moāboerā diayema direta irimurā! Irasirirā īgū gāāmerī direta iririkurākoa.

²⁰ Iripoegue mʉsā űerī iridʉari direta irirā, Marīpʉre moāboerā īgū gāāmerī direta iriro gāāmekoa, ārībirinerā āārībú.

²¹ Mʉsā űerīrē irasirirā, ħűeéno ōārīrē bokari? Dapora mʉsā űerī iriunadeare gūűarā, bʉro gʉyasīrīa. Iri űerīrē mʉsā iridea waja perebiri peamegue waabokuyo.

²² Iripoegue marī űerī direta iridoregʉre moāboerā irirosū āārīunanerā āārībú. Daporare Marīpʉ marīrē wiudero pʉrʉ, īgūrē moāboerā āārā. Irasirirā īgū gāāmerīrē iriwāgārā, īgū pʉro perebiri okarire opamurā āārā.

²³ űerī irirāno, īgʉsā űerī iriri waja, perebiri peamegue waarīre wajatarākuma. Marīpʉ, marī Opʉ Jesucristore bʉremurā gapʉre wajamarīrō īgū pʉro perebiri okari opaburire sīgʉkumi.

7

Mojōsiarima keori merā weredeā

¹ Yaarā, mʉsā Marīpʉ Moisére doreri pīdeare ōārō masīa. Sugʉ masakʉ īgū okarinʉrī direta iri dorerire irimasīmi.

² Marīpʉ doreri pīdea āsū ārā. Sugo nomeō igo mojōsiadero pʉrʉ, igo marāpʉ okaripoere igo īgū merā āārīnīkōākumo. Īgū boamakū, igo marāpʉ dagʉ merā āārīdea perekoa. Gajigʉ merā mojōsiamasīkumo doja.

³ Igo marāpʉ okakerepʉrʉ gajigʉ merā marāpʉkugo, īgū merā űerō irigo Marīpʉ dorerire

tarinugãgõ irikumo. Igo marãpũ boadero pũrugue dita gajigũ merã marãpũkũmasĩkumo. Irasirigo ĩgũ merã ñerõ irigo meta irikumo. Marĩpũ dorerire tarinugãbirikumo.

⁴ Yaarã, mũsãde ãsũta ããrã. Iripoegue Marĩpũ Moisere doreri pĩdea merã ããrĩnerã ããrĩbũ. Jesucristo boamakũ, ĩgũ merã boanerã irirosũ ããrĩsĩã, daporare iri doreri pĩdea merã ããrĩbea. Jesucristo boa, masãrĩ merã Marĩpũ marĩrẽ ĩgũyarã ããrĩmakũ iridi ããrĩmĩ, ĩgũ gããmerĩrẽ iriburo, ãrĩgũ.

⁵ Iripoeguere marĩ ñerĩrẽ Ƴaribejari direta iriunanerã ããrĩbũ. Marĩpũ Moisere doreri pĩdeare masĩdero pũrũ, iri dorerire tarinugã, ããrĩpereri marĩya dupũma merã ñerĩrẽ Ƴaribejanemonerã ããrĩbũ. Irasirirã perebiri peamegue waamurã dita ããrĩnerã ããrĩbũ.

⁶ Daporare pama marĩ Cristo merã boanerã irirosũ ããrĩsĩã, Marĩpũ Moisere doreri pĩdea merã ããrĩbea. Irire tariwerenerãgue ããrã. Irasirigu Marĩpũ, Őãgũ deyomarĩgũ merã marĩrẽ maama okarire opamakũ yãmi, ĩgũ gããmerĩrẽ iridoregũ.

Marĩrẽ ñerĩ irimakũ iriri marĩguere ããrĩrĩmarẽ weredea

⁷ Irasirirã, Marĩpũ Moisere doreri pĩdeare: “Ñegorãa”, ¿ãrĩrãkuri? Neõ irasũ ãrĩbirikõãrã! Irita yũ ñerĩ iririkũrere masĩmakũ iribũ. Iri doreri pĩdea ãsũ ãrã. “Gajerãyare bũro Ƴaribejabirikõãka!” Irasirigu, iri doreri marĩmakũ, yũ gajerãyare Ƴaribejarire masĩbiribokuyo.

⁸ Iri doreri: “Ãsũ iribirikõãka!” ãrĩdeare masĩdero pũrũ, iri yũre ããrĩpereri ñerĩrẽ Ƴaribejamakũ iribũ.

Iri doreri marĩmakũ: “Irire tarinũgãgũ irikoa”, ãrĩmasĩbiribokuyo.

⁹ Yũ iri dorerire masĩburi dupuyuro: “Yũ, Marĩpũ merã õãrõ ããrĩkõãgũ irikoa”, ãrĩ gũñadibũ. Iri dorerire masĩdero pũrũ, irire tarinũgãgũ: “Ñerõ irigũ irikoa, Marĩpũ merã õãrõ ããrĩbirikoa”, ãrĩ masĩbũ pama.

¹⁰ Marĩ iri dorerire irirã, Marĩpũ merã õãrõ ããrĩkõãbokoa. Yũ gapũ irire iripeomasĩbirisĩã, ñerĩ iridea waja, waja opagũ, perebiri peamegue waabodi dujabũ.

¹¹ “Marĩpũ dorerire irigũ, ĩgũ merã õãrõ ããrĩkõãgũ irikoa”, ãrĩ gũñakerepũrũ, yũ ñerĩ ɸaribejari, yũre Marĩpũ dorerire tarinũgãmakũ iribũ. Irasirigũ iri dorerire tarinũgãĩã, ñerĩ iridea waja, waja opagũ peamegue waabodi dujabũ.

¹² Irasũ ããrĩkerepũrũ, Marĩpũ Moisere doreri pídea õãrĩ ããrã. Diayema doreri ããrã. Marĩpũ irire pídi ããrĩmĩ marĩrẽ iritamubu.

¹³ Iro tamerãrẽ Marĩpũ doreri õãrĩ ããrĩkerero, ɸmarĩrẽ peamegue waabonerã dujamakũ irikuri? Neõ irasũ ããrĩbirikoa. Marĩ ñerĩ iriri gapũ marĩrẽ peamegue waabonerã dujamakũ iribũ. Irasiro Marĩpũ ĩgũ õãrĩ doreri pídea merã marĩ ñerõ iririre: “Ñegorãã”, ãrĩ masĩsũa.

¹⁴ Ire masĩa marĩ. Marĩpũ ĩgũ dorerire Õãgũ dey-omarĩgũ merã Moisere pídi ããrĩmĩ. Irasiro õãrĩ dita ããrã. Marĩ gapũ marĩ ñerĩrẽ ɸaribejari merã ñerĩ iridoregare duasũnerã irirosũ ããrã. Irasirirã ñerĩrẽ iririkurã ããrã.

¹⁵ Õãrĩrẽ iridũakererã, iribea. Ñerĩrẽ iridũabirikererã, irinĩkõãa. Marĩ irasiririre

pémasĩbea.

16 “Ñerĩrẽ iridũabirikoa”, ãrĩkererã, irikõãa. Irasirikererã: “Ñerĩrẽ iridũabirikoa”, ãrĩrã, Marĩpu dorerire: “Õãrĩ ããrã”, ãrĩ masĩa.

17 “Marĩ ñerĩrẽ dupaturi iribeapama”, ãrĩkererã, ñerĩrẽ irirã, marĩ basi meta irire yáa. Marĩguere ñerĩ ããrĩrĩ gapu marĩrẽ irire irimakũ yáa.

18 Marĩ ñerĩrẽ uaribejari merã ñerĩ direta irirã yáa. Irasirirã: “Marĩguere õãrĩ máa”, ãrĩ masĩa. Marĩ õãrĩrẽ iridũakererã, bokatĩũbea.

19 Marĩ õãrĩ iridũakererã, iribeapama. Ñerĩ iridũabirikokererã, iri gapure yáa.

20 Irasirirã marĩ basi: “Ñerĩrẽ dupaturi iribirikoa”, ãrĩkererã, irikõãa doja. Marĩguere ñerĩ ããrĩrĩ gapu marĩrẽ irire irimakũ yáa.

21 Irasiro ãsũ waáa marĩrẽ. Õãrĩrẽ marĩ iridũakererũ, marĩguere ñerĩ ããrĩrĩ marĩrẽ ñerĩ direta irimakũ yáa.

22 Marĩ basi marĩ gũñarĩgue: “Marĩpu dorerire iridũakoa”, ãrĩ gũñãa.

23 Iri dorerire iridũakererũ, marĩ ñerĩ iridũari gapu marĩ gũñarĩgue õãrĩ iridũarire tarinũgãa. Irasirirã marĩ basi iri ñerĩ iridũarire tarinũgãamasĩbea.

24 Marĩ basi ñerĩ iridũarire tarinũgãamasĩmerã, buro bujawereri merã: “¿Noã marĩrẽ ñerĩ iridea wajare taugakuri, Marĩpu merã õãrõ ããrĩburo, ãrĩgũ?” ãrĩ gũñãa.

25 Marĩpu dita Jesucristo marĩ Opu merã marĩrẽ taumasĩmi. Irasirirã Marĩpure: “Õãtaria mu”, ãrĩ, usuyari sĩa. Irasirirã marĩ gũñarĩgue: “Marĩpu dorerire iridũakoa”, ãrĩ gũñãa. “Gua Opu ããrã

mu”, āra īgūrē. Marī irasū ārkerepuᵐ, marī ñerīrē Ɂaribejari, marīrē ñerīrē iridoregᵐ irirosū āārkōāa dapa.

8

Ōāgᵐ deyomarīgᵐ iritamurī merā ōārō āārīrīmarē gojadea

¹ Dapora Marīpu marīrē Jesucristoyarārē ñerīrē Ɂaribejarire piri, Ōāgᵐ deyomarīgᵐ dorerosū irirārē: “Wajamoāgura”, ārīrīno neō máa.

² Ōāgᵐ deyomarīgᵐ, marī Jesucristoyarā īgᵐ dorerosū irimakᵐ, marī ñerī iririkurire pirimakᵐ yámi. Irasirigᵐ marīrē, perebiri peamegue waabonerārē Marīpu merā ōārō āārīmakᵐ yámi.

³ Marī ñerī iriri direta Ɂaribejasīā, Marīpu Moisére doreri pídeare neō iripeomasībirinerā āārībú. Irasirigᵐ Marīpu gapᵐ īgᵐ magūrē iriudi āārīmí, marī ñerī iridea wajare boa, wajaribosadoregᵐ. Īgᵐ ñerīrē iribirikeregᵐ, marī ñerī iridea waja, waja oparā irirosū dupukugᵐ, marīrē boabosadi āārīmí, marī ñerī iridea waja oparire wajarigᵐ.

⁴ Marīpu, marīrē īgᵐ dorerire iriburo, ārīgᵐ, irasiridi āārīmí. Irasirirā marī ñerī iririre Ɂaribejabea. Ōāgᵐ deyomarīgᵐ dorerosū irirā yáa.

⁵ Ñerī iririre Ɂaribejarā, iri direta gūña, iridɁama. Ōāgᵐ deyomarīgᵐ dorerosū irirā gapᵐ, īgᵐ gāāmerī direta gūña, iridɁama.

⁶ Ñerī direta gūña, iridɁarā, perebiri peamegue waarākuma. Ōāgᵐ deyomarīgᵐ gāāmerī direta

gũña, iriduarã gapu Marĩpu merã perebiri okari oparãkuma. Irasirirã siuñajãrĩ merã ããrĩrãkuma.

⁷ Ñerĩ direta gũña, iriduarã, Marĩpũre ãaturirã ããrĩma. Ìgũ dorerire iridũabiri, irire neõ irimasĩbema.

⁸ Irasirirã ñerĩ iriri direta ùaribejarã, Marĩpũre ùũyamakũ irimasĩbema.

⁹ Musã gapu ñerĩ iriri direta ùaribejabea. Õãgũ deyomarĩgũ musãguere ããrĩmi. Irasirirã ìgũ turari merã ìgũ dorerosũ yãa. Õãgũ deyomarĩgũrẽ opamerã gapu, Cristoyarã ããrĩbema.

¹⁰ Marĩ ñerõ iridea waja marĩya dupu boaburi dupu ããrĩkererũ, Cristo marĩguere ããrĩmakũ, Marĩpu marĩrẽ: “Õãrã, waja opamerã ããrĩma”, ãrĩ ããmi. Irasiriro marĩya dupu boakererũ, marĩya yũpũrã ùmũgasigue okanĩkõãrokoa.

¹¹ Marĩpu, Õãgũ deyomarĩgũ merã Jesucristore boadiguere masũ, dupaturi okamakũ iridi ããrĩmi. Õãgũ deyomarĩgũ marĩguere ããrĩmakũ, Marĩpu Jesucristore masũdita marĩya dupu boadero puũ, marĩdere masũ, maama okari opamakũ irigũkumi.

¹² Yaarã: “Marĩpu marĩrẽ irasũta irigũkumi”, ãrĩ masĩrã, ñerĩ iririre ùaribejabirikõãrã!

¹³ Ñerĩ iriri direta ùaribejarã, perebiri peamegue waarãkoa. Õãgũ deyomarĩgũ turari merã marĩ ñerĩrẽ ùaribejarire pirirã, Marĩpu merã perebiri okarire oparãkoa.

¹⁴ Õãgũ deyomarĩgũ dorerosũ irirãno, Marĩpu pũrã ããrĩma.

¹⁵ Marĩpu marĩrẽ Õãgũ deyomarĩgũrẽ iriudi ããrĩmi. Ìgũ marĩrẽ Marĩpu pũrã ããrĩmakũ yãmi.

Īgū merā Marīp̄ marīrē wajamoāburire güiderosū dupaturi güibeā. Irasirirā Īgū iritamurī merā güiro marīrō Marīp̄re: “Υp̄”, ārī masīa.

16 Ōāgū deyomarīgū marī güñarīgue marīrē: “Diayeta Marīp̄ pūrā āārā”, ārī masīmakū yāmi.

17 Irasirirā marī Īgū pūrā āārīsīā: “Āārīpererire yu pūrārē sīgura”, ārīdeare Cristo merā irire oparākoa. Marī Cristoyarā āārīsīā, Īgū i ūmūgue ñerō tariderosū marīde ñerō tarikererā, p̄rūgue ūmūgasigue Īgū āārīrōsūta Īgū merā ōārō āārīrākoa.

18 Dapora marī i ūmūgue ñerō tarikererā, p̄rūgue ūmūgasigue Marīp̄ marīrē ōārī sīburire güñarā: “B̄ro ñerō taribeā”, ārī masīa.

19 Sun̄ Marīp̄ marīrē: “Īsā yu pūrā āārīma”, ārī, ōārīrē sīgukumi. Īgū marīrē sīburire āārīpereri Īgū i ūmūma iridea, masaka gajinorē b̄ro ĩād̄arā irirosū yūro yāa.

20 Iripoegue Adán ñerīrē irip̄rorideā waja i ūmūma poyakōādero āārībū. Iri gāāmerō poyabiridero āārībū. Marīp̄ dorederosū poyadero āārībū. Irasirikeregū, p̄rūgue ōārī gorawayugukumi.

21 Irasirigū Marīp̄, i ūmūma boapereburi āārīkerep̄rū, marīrē Īgū pūrārē ōārā gorawayurosū, i ūmūma āārīpererire ōārī dita gorawayugukumi doja.

22 Ire marī masīa. Adán ñerīrē irip̄roridero p̄rū, daporaguedere āārīpereri i ūmūma Marīp̄ iridea, nomeō majīgū nijīwāgūgō pūrīsūrōsū āārā.

23 I Īgū iridea irirosūta marīde poyari merā āārā. Marī Īgūyarā āārīnūgāmakū, Ōāgū deyomarīgūrē marīrē sīdi āārīmī. Daporare b̄ro ñerō tarikererā,

purugue ĩgũ marĩrẽ: “Yũ pũrã ããrĩma”, ãrĩ, boabiri dupũre maama dupũre sĩburire usũyari merã yúa.

24 “Marĩpũ marĩrẽ: ‘Taugũra’, ãrĩderosũta taugũkumi”, ãrĩ yúmasĩa. ĩgũ marĩrẽ taudero purũ, marĩ irire yúderosũ neõ yúnemobirikoã.

25 Marĩ gajinorẽ ĩãbirikererã gũñaturari merã: “Īãrãkoã”, ãrĩ yúrosũ, Marĩpũ purugue ĩgũ marĩrẽ tauburire gũñaturari merã yúro gããmeã.

26 Marĩ Marĩpũre: “¿Naásũ sërẽrõ gããmerĩ?” ãrĩ masĩbirimakũ, Ōãgũ deyomarĩgũ marĩrẽ iritamumi. Irasirigũ, marĩ Marĩpũre keoro sërẽmasĩbirimakũ, Ōãgũ deyomarĩgũ marĩya ããrĩburire Marĩpũre õãrõ sërẽbosami. Masaka werenĩrõsũ sërẽbemi. Marĩrẽ burõ bopoñarĩ merã, õãrõ masĩrĩ merã sërẽbosami.

27 Marĩpũ gããmerõsũta Ōãgũ deyomarĩgũ marĩ ĩgũyarã ããrĩburire sërẽbosami. Irasirigũ Marĩpũ, ããrĩpereri marĩ gũñarĩrẽ masĩpeogu, Ōãgũ deyomarĩgũ marĩrẽ sërẽbosaridere õãrõ masĩmi.

Jesucristo turari merã ñerĩrẽ tarinũgãmasĩa, ãrĩ gojãdea

28 Idere marĩ masĩa. Marĩpũ ĩgũ gããmederosũta marĩrẽ beyedi ããrĩmĩ. Irasirigũ ããrĩpereri marĩrẽ ĩgũrẽ maĩrãrẽ waaburire ãmumi õãrĩ direta iribu.

29 Neõgoragueta Marĩpũ marĩrẽ ĩgũyarã ããrĩmurãrẽ masĩsiadi ããrĩmĩ. Marĩ neõ deyoaburo dupuyurogueta beyesiadi ããrĩmĩ, marĩrẽ ĩgũ magũ irirosũ ããrĩburo, ãrĩgũ. Irasirigũ ĩgũ magũ marĩ tĩgũ ããrĩmi. Marĩ ĩgũ pagũpũrã wãrã ããrã.

30 Neõgoragueta Marĩpũ ĩgũyarã ããrĩmurãrẽ: “Yũ pũrã ããrĩma”, ãrĩ beyesiadi ããrĩmĩ. Irasirigũ marĩrẽ ĩgũ beyenerãrẽ Jesúre burẽmunũgãdoregũ

siiu: “Ōārā, waja opamerā āārīma”, ārī lāmi. Īgū marīrē irasū ārī lārārē ūmugasigue Īgū āārīrōsūta Īgū merā ōārō āārīmakū irigukumi.

³¹ Marī irire masīrā, ūnaāsū ārīrī? Āsū ārā. Marīpū marīrē iritamumakū, gajerā marīrē lāturikererā, neō poyanorēmasībema.

³² Marīpū marī űerī iridea waja boabosabure Īgū magū Jesucristore iriudi āārīmī. “Yū magūrē maīsā, iriubea”, ārībiridi āārīmī. Irasirigū Īgū magūrē iriudi āārīsā, āārīpereri marīya āārīburire ōārī direta sīgukumi.

³³ Marīpū marīrē Īgū beyenerārē: “Ōārā, waja opamerā āārīma”, ārī lāmakū, gajerā marīrē: “űerā āārīma”, neō ārī weresāmasībema.

³⁴ Cristo marī űerī iridea wajare boabosa, masā, ūmugasigue mūrīadi āārīmī. Irasirigū Marīpū diaye gapū doami. Marīya āārīburire sērēbosanīkōāmi. Irasirirā gajerā Marīpūre marīrē: “Īsā űerī iridea waja Īgūsārē wajamoāka!” neō ārīmasībema.

³⁵ Cristo marīrē buro maīmakū, gajerā Īgūrē: “Neō maīnemobirikōāka Īgūsārē!” ārīmasībirikuma. Marī űerō tarikerepū, marī diasaro péñakerepū, gajerā marīrē űerō irikerepū, marī ūaboakerepū, surī marīrā āārīkerepū, goero marīrē āārīkerepū, gajerā marīrē wējēkerepū, Cristo marīrē maīgū marī merā āārīnīkōāmi. Īgū marīrē maīrē neō piribirikumi.

³⁶ Marīpūya werenīrī gojadea pūgue marī waaburire āsū ārī gojasūdero āārībū:

Gūa mūyarā āārīrī waja gajerā gūare ūmūrikū wējēđanīkōāma. Ovejare wējēmurā

wějērōgue āĩārã irirosũ guare yáma, āĩ gojasũdero āārĩbá.✧

37 Marĩ gapu ñerō tarikererã, Cristo marĩrē maĩgũ iritamurĩ merã, marĩ āārĩpereri ñerĩrē tarinugãa. Irasirirã ĩgũ merãta gũñaturanemoa.

38 Irasirigu ire oãrō masĩa. Marĩpu marĩrē buro maĩmi. Marĩ Opure Jesucristore iriugu, ĩgũ marĩrē maĩrĩrē masĩmakũ iridi āārĩmĩ. Marĩ boamakũ, o marĩ yoaripoe okamakũ, marĩrē maĩgũ marĩ merã āārĩnĩkõãmi. Marĩpure wereboerã, masaka oparã, wãtẽa oparãde Marĩpure marĩrē maĩrĩrē pirimakũ irimasĩbema. Marĩrē gajino irimakũ, Marĩpu marĩrē maĩgũ marĩ merã āārĩmi. Daporama āārĩrĩ, puruma āārĩburide Marĩpure marĩrē maĩrĩrē pirimakũ irimasĩbirikoa.

39 Marĩ ũmarōgue waamakũ, o ũkũārōgue waamakũ, marĩrē maĩgũ marĩ merã āārĩmi. Gajinode Marĩpu iridea āārã. Irasiro iride ĩgũrē marĩrē maĩrĩrē pirimakũ irimasĩbea. Marĩrē marĩ Opure Jesucristoyarãrē ĩgũ maĩrĩ neõ perebirikoa.

9

Israel bumarã Marĩpu beyenerã āārĩma, āĩ gojadea

1 Yu, Cristore buremugũ āārĩgũ, diayeta werea musãrẽ. Ārĩgatobea. Ōãgũ deyomarĩgũde yu merã āārĩgũ, yu ārĩrĩrẽ: “Diayeta āārã”, āĩ masĩmakũ yámi.

2 Yaarã Israel bumarã Cristore buremubirimakũ ĩãgũ, buro bujawereri merã gũñarĩkuã.

✧ 8:36 Sal 44.22

3 Īgūsā ĭgūrē b̄remumakū gāāmegū, y_u gap_u gorawayud_uadāa: “Perebiri peamegue wajamoāsūbokuma”, āriġū. Y_u ĭgūsārē irasiribosag_u Cristore dukawarinugājag_u, ĭgūrē neō dupaturi ĩānemobiribokoa.

4 Īgūsā, Israel parāmerā āārīturiarā āārīma. Marīp_u ĭgūsārē: “Y_u pūrā āārā”, ārīdi āārīmī. Īgū gosewasiriri merā ĭgūsā watope āārīdi āārīmī. Īgūsārē: “Y_u, m_usā Op_u āārā. M_usā, yaarā āārā”, ārīdi āārīmī. Īgūsārē ĭgū dorerire masīburo, āriġū, Moisére irire pīdi āārīmī. “Yaa wiigue y_ure b̄remurā, āsū irika!” ārī pīdi āārīmī. “M_usā parāmerā āārīturiarārē ōārō iritamug_ura”, ārīdi āārīmī.

5 Israel pūrā pe mojōma pere su gubu peru pērēbejarāgora, g_ua ñekūsāmarā āārīnerā āārīmā. Cristode marī irirosū dupukug_u deyoag_u ĭgūsā parāmi āārīturiag_u, Israel bum_uta āārīdi āārīmī. Īgū āārīpererā, āārīpereri Op_u āārīmī. Irasirirā ĭgūrē: “Ōātaria m_u”, ārī, _us_uyari sīnīrā! Irasūta irirā!

6 Israel bumarā āārīpererā diayeta Marīp_uyarāgora āārībema. Irasirig_u Marīp_u Israel bumarārē: “Yaarārē āsū irig_ura”, ārīdeare ĭgūsārē āārīpererārē iribirimakū ĩāgū: “Marīp_u ĭgū ārīderosūta iribemi”, ārī gūñabea y_u.

7 Israel bumarā, ĭgūsā ñekū Abraham parāmerā āārīturiarā āārīkerep_uu, Marīp_u ĭgūsārē āārīpererārē: “Diayeta y_u pūrā āārīma”, ārī ĩābemi. Irasirig_u Abrahārē: “M_u magū Isaac parāmerā āārīturiarā dita diayeta m_u parāmerā āārīturiarā āārīrākuma”, ārīdi āārīmī.

8-9 Marīp_u Abrahārē ĭgū magū Isaac deyoaburire

weregu, āsū ārīdi āārīmí: “Gaji bojori ipapoeta aarigura doja. Iripoeta mu marāpo Sara majīgūrē pūrākugokumo”, ārīdi āārīmí. Irasirigu Marīpu ārīderosūta Abraham magū deyoadi āārīmí. Irasirirā marī ire masīa. Abraham parāmerā deyoaturawāgārā āārīpererā Marīpu pūrā āārībema. Marīpu ārīdeare buremurā dita diayeta Abraham parāmerā āārīturiarā, Marīpu pūrā āārīma.

¹⁰ Gaji āsū āārā. Isaac, Rebeca merā marāpokūdero puru, igo ūma pērāgue pūrākudeo āārīmó. Īgūsā pagu Isaac, guā ñekū āārīdi āārīmí.

¹¹⁻¹³ Īgū pūrā deyoaburi dupuyuro, Īgūsā ōārīrē, o ñerīrē iriburi dupuyuro Marīpu Īgūsā pago āārībore āsū ārīdi āārīmí: “Īgū tīgū Īgū pagumūrē moāboegukumi”, ārīdi āārīmí. Īgū igore irire ārīderosūta Īgūya werenírī gojadea pūgue āsū ārī gojasūdero āārībú: “Jacore beyebu. Esau gapure beyebiribu”, ārī gojasūdero āārībú. Irasirigu Marīpu Jacore beyederosūta Īgūyarā āārīmurārē beyegu, Īgūsā gajino iriburi dupuyuro Īgū gāāmederosūta Īgūsārē: “Yaarā āārīma”, ārīdi āārīmí.

¹⁴ Irire pérā, ¿naāsū gapu ārīrākuri marī? “Sugu gajino iriburi dupuyuro Marīpu Īgūrē beyegu, diaye iribemi”, ¿ārīrākuri? Irasū ārībirikōārā! Marīpu diayeta irigu āārīmi.

¹⁵ Iripoegue Marīpu Moisédere āsū ārīdi āārīmí: “Yu bopoñarī merā ĩaduarārē bopoñarī merā ĩāgura. Yu maĩrī merā ĩaduarārē maĩgura”, ārīdi āārīmí.

¹⁶ Irasirirā ire masīa. Marīpu, Īgū bopoñaduarārē bopoñarī merā ĩāmi. Masaka Īgūrē

bopoñadoremakū meta, ĩgūsā òārō irimakū meta ĩgūsārē bopoñarĩ merā ĩāmi.

17 Marĩpũ ĩgūya werenĩrĩ gojadea pũgue āsũ ārĩdi āārĩmĩ Egipto marā opũre, faraðrē: “Yũ gāāmerōsũta marē Egipto marā opũ āārĩbure pĩbu, mũ merā yũ turarire āārĩpererārē ĩmubu. Āārĩperero marārē, yũ turagũ āārĩrĩrē masĩdoregũ, irasiribũ”, ārĩdi āārĩmĩ.

18 Irasirigũ ĩgũ bopoñadũarārē bopoñarĩ merā ĩāmi. ĩgũ dorerire pėdũamerārē nemorō pėdũabirimakū yāmi.

19 Yũ irasũ ārĩrĩrē pėrā, mũsā āsũ ārĩbokoa: “Marĩpũ ĩgũ basita masakare ĩgũ dorerire pėdũabirimakū irikeregũ, ¿nasirigũ ĩgūsārē wajamoāgũkuri? ¿Nasirisĩā, ĩgũ gāāmerō irasiririre kāmutamasiĩbokuri marĩ?” ārĩ pũrĩwisi sērēñabokoa.

20 Irire irasũ ārĩbirikōāka! Marĩ masaka ubu āārĩrā, Marĩpũ irinerā āārā. Irasirirā ĩgūrē: “¿Nasirigũ yũre irasũ yāri mũ?” ārĩ pũrĩwisi sērēñamasĩbea. Diiarisoro irisoro weagore: “¿Nasirigo yũre irasũ yāri mũ?” ārĩberosũta marĩde Marĩpũre irasũ ārĩmasĩbea.

21 Sorori weago diiari merā igo iridũaro irikumo. Irasirigo òārĩ soro iridũago, òārĩ soro irikumo. Iri diiari merāta ubu āārĩrĩ sorodere iridũago, ubu āārĩrĩ soro irikumo. Igo diiari merā irirosũta Marĩpũde masakare ĩgũ iridũarosũta yāmi.

22 Marĩpũ peamegue ĩgũ bėomurārē, ĩgūsārē ĩgũ turari merā bũro wajamoāburire masĩdoregũ, ĩgūsā ñerō iririre gũñatura, mumurō marĩrō ĩgūsārē wajamoābemi.

23 Marĩ ĩgũ bopoñarĩ merã ĩãrã gapure ĩgũ õãtarigũ ããrĩrẽ masĩburo, ãrĩgũ, ĩgũsãrẽ irasirigũ yámi. Neõgoragueta marĩrẽ ãmugasigue ĩgũ ããrĩrõsũta ĩgũ merã õãrõ ããrĩmurãrẽ beyedi ããrĩmĩ.

24 Marĩrẽ beyegu, surãyeri judío masaka watopegue ããrĩrãrẽ, gajerã judío masaka ããrĩmerã watopegue ããrĩrãdere beyedi ããrĩmĩ, ĩgũyarã ããrĩburo, ãrĩgũ.

25 Marĩpũya werenĩrĩ gojadea pũgue ĩgũya kerere weredupuyudi Oseas, judío masaka ããrĩmerãyamarẽ ãsũ ãrĩ gojadi ããrĩmĩ:

Marĩpũ ãsũ ãrĩmi: “Yaarã ããrĩbirinerãrẽ: ‘Yaarã ããrĩma’, ãrĩgũkoa. Yũ maĩbirinerãrẽ: ‘Yũ maĩrã ããrĩma’, ãrĩgũkoa”, ãrĩmi.

26 Marĩpũ: “Musã, yaarã meta ããrã”, ãrĩdea nikũ marãrẽ: “Yũ okanĩgũ pũrãta ããrã”, ãrĩsũrãkuma, ãrĩ gojadi ããrĩmĩ.*

27-28 Isaías, Israel bumarã gapure ãsũ ãrĩ gojadi ããrĩmĩ: “Marĩ Opũ ĩgũ ãrĩderosũta i ãmũ marãrẽ mumurõ merã diayeta wajamoãgũkumi. Irasirirã Israel bumarã wádiyama ĩmipayeri irirosũ wãrã ããrĩkererã, mérãgã tausũrãkuma”, ãrĩ gojadi ããrĩmĩ.

29 ĩgũta idere ãrĩ gojadi ããrĩmĩ doja:

Marĩ Opũ ããrĩpererã nemorõ turagu, marĩ ñekũsãmarã ããrĩturiarãrẽ mérãgãrẽ taubirimakũ, marĩ judío masaka ããrĩpererã béosũbonerã ããrĩbũ. Sodoma marãrẽ, Gomorra marãrẽ béoderosũta marĩdere béobodi ããrĩmĩ, ãrĩ gojadi ããrĩmĩ.*

*Judío masaka Jesucristoya kerere
bũremubiridea*

* 9:26 Os 2.23; 1.10 * 9:29 Is 1.9

³⁰ Irire pérã, ¿naásũ ãrĩrãkuri? Æsũ ããrã. Judío masaka ããrĩmerã Marĩpũ merã ãgũsã õãrõ ããrĩburire ãmabirikererã, ãgũsã Jesucristore bũremurĩ merã irire bokama. Irasirigũ Marĩpũ ãgũsãrẽ: “Õãrã ããrĩma”, ãrĩ ããmi.

³¹ Judío masaka gapũ: “Marĩpũ Moisére doreri pídeare marĩ irimakũ, marĩrẽ: ‘Õãrã, waja opamerã ããrĩma’, ãrĩ ããgũkumi”, ãrĩ gũñadima. Irasũ ãrĩ gũñakererã, iri dorerire iripeomasĩbirisĩã, Marĩpũ merã õãrõ ããrĩbema.

³² ¿Nasirĩã Marĩpũ merã õãrõ ããrĩberi? Jesucristore bũremurõ marĩrõ ãgũsã basi Marĩpũ Moisére doreri pídeare iridea merã gapũ, Marĩpũ merã õãrõ ããrĩduadima. Irasirĩã Cristore Marĩpũ iriudire bũremumerã, Marĩpũ pũrogue neõ waabirikuma. ãgũsã ãtãye, maa deko píadeayegue gubu tũameémejãnerã irirosũ ããrĩrãkuma.

³³ Marĩpũya werenĩrĩ gojadea pũgue Marĩpũ ãgũ magũrẽ iriburire ãsũ ãrĩ gojasũdero ããrĩbũ: Sugũ yũ iriubure ãtãye irirosũ ããrĩgũrẽ Jerusalẽgue pígũra. ãgũrẽ bũremumerã, iri yegue gubu tũameémejãrã irirosũ ããrĩrãkuma. Irasirĩã yũ pũrogue neõ ejabirikuma. ãgũrẽ bũremurã gapũ: “ãgũrẽ ubugorata bũremukubũ”, ãrĩbirikuma. Yũ pũro ejarãkuma, ãrĩ gojasũdero ããrĩbũ.*

10

¹ Yaarã, yũ Israel bumarãrẽ Marĩpũ ãgũ tauburire bũro gããmea. Irasirigũ ãgũrẽ ãgũsãya ããrĩburire bũro sãrẽbosãa.

* 9:33 Is 28.16

2 Diayeta ĩgũsã Marĩpũ gããmerĩrẽ buru iridũakererã, ĩgũ gããmerĩrẽ õãrõ pẽmasĩbema.

3 Marĩpũ marĩrẽ Jesucristore burẽmurĩ merã: “Õãrã ããrĩma”, ãrĩ ĩãrĩrẽ masĩbema. Irasirirã ĩgũsã basi õãrĩrẽ iridũakererã, Marĩpũ Jesucristore burẽmudoregũ iriudire burẽmubema. Irasirigũ Marĩpũ ĩgũsãrẽ: “Õãrã ããrĩma”, ãrĩ ĩãbemi.

4 Cristo ããrĩpereri Marĩpũ Moisére doreri pídeare iripeodi ããrĩmĩ. Irasirigũ Marĩpũ ããrĩpererã Cristore burẽmurãnorẽ: “Õãrã, waja opamerã ããrĩma”, ãrĩ ĩãmi.

5 Moisés ãsũ ãrĩ gojadi ããrĩmĩ: “Marĩ, Marĩpũ dorerire ããrĩpereri iripeomakũ, Marĩpũ marĩrẽ: ‘Õãrã, waja opamerã ããrĩma, yũ merã õãrõ ããrĩrãkuma’, ãrĩ ĩãgũkumi”, ãrĩ gojadi ããrĩmĩ.

6 Marĩpũ marĩrẽ: “Õãrã, waja opamerã ããrĩma”, ãrĩ ĩãrĩ gapũ ãsũ ããrã. Marĩ Cristore burẽmumakũ, Marĩpũ marĩrẽ: “Õãrã ããrĩma”, ãrĩ ĩãgũkumi. Irasirirã ãsũ ãrĩ gũñabirikõãka: “¿Noã Cristore ãmũgasigue ããrĩgũrẽ ãĩdijugũkuri marĩrẽ taudoregũ?” ãrĩ gũñabirikõãka! Cristo i ãmũguere marĩrẽ taugũ ejasiadi ããrĩmĩ.

7 Irasirirã doja: “¿Noã, boanerã ããrĩrõgue ãkũãrĩ gobegue dijagũkuri Cristore siiu mũrĩribu?” ãrĩ gũñabirikõãka! Marĩ basi irire irimasĩña máa. ĩgũ boa, masã, mũrĩasiadi ããrĩmĩ.

8 Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũya kerere mũsã pẽsiãa. Irire mũsãya disi merã werenĩa. Mũsãya gũñarĩgue: ‘Diayeta ããrã iri’, ãrĩ gũñãa”, ãrĩ gojasũdero ããrĩbũ. Irire, marĩrẽ Jesucristo tauri kerere diayeta burẽmua. Irasirirã masakare irireta werea.

9 Irasirirã marĩya disi merã: “Jesús, yu Opu ããrĩmi”, ãrĩ werenĩmakũ, marĩya gũñarĩgue: “Ìgũ boadero pũrũ, Marĩpu ìgũrẽ masũdi ããrĩmi”, ãrĩ buremumakũ, Marĩpu marĩrẽ perebiri peamegue waabonerãrẽ taugukumi, ìgũ merã õãrõ ããrĩnikõãburo, ãrĩgũ.

10 Marĩpu, marĩ Jesucristore buremumakũ, marĩrẽ: “Õãrã, waja opamerã ããrĩma”, ãrĩ ìãmi. Marĩ gajerãrẽ: “Jesucristo yure taugu ããrĩmi, ìgũrẽ buremua”, ãrĩ weremakũ, marĩrẽ peamegue waabonerãrẽ ìgũ taumurã ããrĩmakũ yãmi.

11 Marĩpuya werenĩrĩ gojadea pũgue: “Neõ sugu ìgũrẽ buremugũ: ‘Ìgũrẽ ubugorata buremukubu’, ãrĩbirikumi”, ãrĩ gojasũdero ããrĩbũ.

12 Marĩpu, ããrĩpererã Opu ããrĩmi. Irasirigu judío masakare, judío masaka ããrĩmerãdere sũrosũta ìãmi. Irasirigu ããrĩpererãrẽ ìgũrẽ buremurĩ merã sërẽrãrẽ õãrĩrẽ wãri sīgukumi.

13 Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “‘Yu Opu, yu ñerõ irideare yure kãtika!’ ãrĩ sërẽrãno tausũrãkuma. Peamegue wajamoãũbirikuma”, ãrĩ gojasũdero ããrĩbũ.

14 Irasũ ããrĩkerepuru, marĩ Opure: “Diayeta marĩrẽ taugu ããrĩmi”, ãrĩ buremumerã, ìgũrẽ sërẽmasĩbema. Ìgũya tauri kerere pémerã, ìgũrẽ buremumasĩbema. Ìgũya kerere ìgũsãrẽ weregu marĩmakũ, irire masĩbirikuma.

15 Marĩpu ìgũya kerere weremurãrẽ iriubirimakũ, irire wererã waabirikuma. Ìgũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpuya õãrĩ kerere, ìgũ merã õãrõ siuñajãrĩ opari kerere wererã ejamakũ ìãrã, marĩ buro

usuyáa”, ãrĩ gojasũdero ããrĩbú.

16 Iri Marĩpũ masakare tauri kere ããrĩkerepũũ, wárã pédũabema. Isaías àsũta ãrĩ gojadi ããrĩmĩ: “Gua Opũ, ĩgũsã gua wererire pédũabema”, ãrĩ gojadi ããrĩmĩ.

17 Irasirirã Cristoya kerere weremakũ peduripírã, ĩgũrẽ bũremurãkuma.

18 Irasirigũ ire sërẽñaduakoa musãrẽ. ¿Israel bumarã iri kerere pëbiriyyuri? Pénerã ããrĩmã. Marĩpũya werenĩrĩ gojadesa pũguedere irasũta ãrĩ gojasũdero ããrĩbú:

Marĩpũyare wererimasã ããrĩpererogue marãrẽ ĩgũya kerere wererã waama. Irasiro ĩgũsã wereri i ũmũ ããrĩpererogue seyakõãa, ãrĩ gojasũdero ããrĩbú.*

19 Dupaturi musãrẽ sërẽñaduakoa doja. ¿Israel bumarã pékererã, õãrõ pëmasĩbiriyyuri? Pémasĩnerã ããrãdima. Yũ irire werenemogũ, Moisés ãrĩdeare werepũrorigũra. ãsũ ãrĩ gojadi ããrĩmĩ:

Marĩpũ Israel bumarãrẽ ãsũ ãrĩmĩ: “Ubu ããrĩrãrẽ, yaare pëmasĩmerãrẽ yaarã ããrĩmakũ irigũra. Yũ irasirimakũ ĩãrã, musã gapũ ĩgũsãrẽ ĩãturirãkoa. Irasirigũ musãrẽ ĩgũsã merã guamakũ irigũkoa”, ãrĩmĩ, ãrĩ gojadi ããrĩmĩ Moisés.*

20 Pũũ Isaíade: “Irasũ ãrĩbokoa”, ãrĩ, güiri marĩrõ ãsũ ãrĩnemopeodi ããrĩmĩ:

ãsũ ãrĩmĩ Marĩpũ: “Yũre ãmamerã gapũ yũre bokama. Irasirigũ yũre masĩmerãrẽ yũre masĩmakũ iribũ”, ãrĩmĩ, ãrĩ gojadi ããrĩmĩ Isaías.*

* 10:18 Sal 19.4 * 10:19 Dt 32.21 * 10:20 Is 65.1

Judío masaka ãārĩmerã Marĩp̄nyarã ãārĩburire wereḡu irasũ ãrĩ gojadi ãārĩmĩ.

²¹ Israel bumarã gap̄ure ãsũ ãrĩ gojadi ãārĩmĩ: “Ãsũ ãrĩmĩ Marĩp̄u: ‘Ëmarik̄u ȳu merã õãrõ ãārĩduarã aarika!’ ãrãdib̄u ãḡũsãrẽ. ‘Ãḡũsã gap̄u ȳu dorerire tarin̄ḡãrã, ȳure p̄ed̄uabirima’, ãrĩmĩ”, ãrĩ gojadi ãārĩmĩ Isaías.

11

Marĩp̄u Israel bumarãrẽ beyedeamarẽ gojadea

¹ Irasiriḡu m̄usãrẽ ire s̄erẽñagura. ¿Marĩp̄u Israel bumarãrẽ: “Yaarã ãārĩma”, ãrĩdero p̄ūu, ãḡũsãrẽ béokõâyuri? Béobiridi ãārĩmĩ. Ȳude Israel bum̄u, Abraham parãmi ãārĩturiaguta Benjamĩya bum̄u ããrã.

² Iripoegue Marĩp̄u Israel bumarãrẽ ãḡũyarã ãārĩburo, ãrĩḡũ, beyedi ãārĩmĩ. ãḡũ irasũ beyenerãrẽ béobemi. M̄usã Marĩp̄uya kerere weredupuyudi Elías ãḡũrẽ: “Israel bumarã waja opama”, ãrĩdeare masĩkoa. Irire Marĩp̄uya werenĩrĩ gojadea p̄ũgue ãsũ ãrĩ gojadi ãārĩmĩ:

³ “Ȳu Op̄u, Israel bumarã m̄uya kerere weredupuyurimasãrẽ w̄ej̄kõãma. M̄urẽ s̄idea soepeorore tuúmeédijukõãma. Irasiriḡu ãḡũsã watope ȳu suguta m̄urẽ b̄uremua. Ȳu irasũ ãārĩmakũ ããrã, ȳudere w̄ej̄ed̄uama”, ãrĩ gojadi ãārĩmĩ.

⁴ ãḡũ irasũ ãrĩmakũ p̄éḡu, Marĩp̄u ãsũ ãrĩ ȳuj̄udi ãārĩmĩ: “M̄u, suguta ãārĩbea. Yaarã siete mil ãārĩma. ãḡũsãrẽ iritamub̄u. Irasirirã ȳure õãrõ b̄uremuma. Baal w̄ãik̄uḡu keori weadeare

neõ b̄remubema. Irasirigu m̄rẽ w̄jẽduarãrẽ güibirikõaka!” ãrĩdi ããrĩmĩ.

⁵ Elías ããrĩripoe Marĩp̄u ĩgũ beyenerãrẽ irita-muderosũta daporadere Israel bumarã watopere surãyeri ĩgũ beyenerãrẽ iritamumi. Irasirirã ĩgũrẽ b̄remuma. ĩgũsãrẽ bopoñarĩ merã ĩãsĩã, beyedi ããrĩmĩ.

⁶ ĩgũsã iririkurire ĩãgũ meta beyedi ããrĩmĩ. ĩgũsãrẽ bopoñagũ beyedi ããrĩmĩ. ĩgũsã õãrõ iri-adero p̄uũ ĩgũsãrẽ beyegu, bopoñagũ meta iri-bokumi. ĩgũsã õãrĩrẽ iridea waja ããrĩbokuyo.

⁷ Æsũ ããrã. Israel bumarã ĩgũsã iriri merã, Marĩp̄u ĩgũsãrẽ: “Õãrã ããrĩma”, ãrĩ ĩãmakũ gããmekererã, ĩgũsã Marĩp̄u merã õãrõ ããrĩburire neõ bokabema. Irasirirã Marĩp̄uyare neõ pémasĩmerã dujama. Marĩp̄u beyenerã gap̄u ĩgũ merã õãrõ ããrĩma.

⁸ Marĩp̄uya werenĩrĩ gojadea pũgue ãsũ ãrĩ gojasũdero ããrĩbũ: “Marĩp̄u ĩgũrẽ gããmemerãrẽ ĩgũyare pémasĩbirimakũ yãmi. Irasirirã diayemarẽ pékererã, pémasĩbema. ĩgũ iririre ĩãkererã, ĩãmasĩbema. Daporaguedere irasũta ããrĩnĩkõãma”, ãrĩ gojasũdero ããrĩbũ.

⁹ Davide ãsũ ãrĩdi ããrĩmĩ Marĩp̄ure: Israel bumarã bosenurĩ irirã ñerõ yãma. Irasirigu, ĩgũsã ñerĩrẽ iriri merã ĩgũsãrẽ wajamoãsũmurã ããrĩmakũ irika!

¹⁰ ĩgũsãrẽ pémasĩmerã, koye ĩãmerã irirosũ waamakũ irika! Æm̄urik̄u n̄k̄urĩ ũũmarã sũgũ pũrĩsũrã irirosũ ñerõ tarimakũ irika! ãrĩdi ããrĩmĩ David Marĩp̄ure.✧

Marĩpu judío masaka ããrĩmerãrẽ taugũkumi, ãrĩ gojadea

11 Gaji musãrẽ sërẽñanemogũra. ¿Judío masaka Jesucristore buremubirimakũ, Marĩpu ãgũsãrẽ béopeokõãyuri? Béopeobiridi ããrĩmĩ. ãgũsã Cristore irasũ buremubirimakũ, daporare judío masaka ããrĩmerã gapũ Marĩpu taumurã ããrĩma. ãgũsãrẽ ãgũyarã waamakũ yámi, judío masakade ãgũsãrẽ ããkũĩ, ãgũsãde Cristore buremuburo, ãrĩgũ.

12 Judío masaka Cristore buremubirisĩã, Marĩpu ãgũsãrẽ: “Yũ pũrãrẽ õãrĩ sũgũra”, ãrĩdeare opabema. Irasirirã judío masaka ããrĩmerã gapũ Cristore buremurã, irire oparãkuma. Pũrũ judío masaka Cristore buremumakũ, ããrĩpererãrẽ i ãmũ marãrẽ nemorõ õãrõ waarokoa.

13 Daporare musãrẽ judío masaka ããrĩmerãrẽ weregũra. Jesucristo yũre musãrẽ judío masaka ããrĩmerãrẽ ãgũya kerere weredoregũ pími. Ire weregũ, ubugora irigũ meta yáa.

14 ãgũyare weregũ, gajipoe irigũ surãyeri yaarãrẽ judío masakare musãrẽ ããkũĩmakũ iribokoa, ãgũsãde Jesucristore buremuburo, ãrĩgũ. ãgũrẽ buremurã, tausũrãkuma ãgũ merã õãrõ ããrĩmurã.

15 Marĩpu judío masakare Cristore buremumerãrẽ béomakũ, gajerã gapũ ãgũ merã siuñajãrĩ opama. Judío masakade ãgũrẽ buremumakũ, õãtarirokoa. ãgũsã boanerãgue masãnerã irirosũ Marĩpu merã perebiri okarire oparãkuma.

16 ãsũ ããrã. Pã iriri merã suru iripũroridiru Marĩpũre sĩmakũ, ããrĩpereri iri pã iriri Marĩpũya ããrã. Yũkũ nũgũrĩ Marĩpũya ããrĩmakũ, irigũ

dupuride igūya āārā. Gua ñekū Abraham, irigu nūgārī irirosū āārīdi āārīmī. Marī Jesucristore b̄remurā Abraham parāmerā āārīturiarā āārā. Irasirigu Marīpu igūrē: “Yaagu āārīmī”, ārī iāderosūta marīdere: “Yaarā āārīma”, ārī iāmi.

¹⁷ Judío masaka olivogu dupuri irirosū āārīma. Igūsā irasū āārīkerepuru, su dupurire ditibéoderosū Marīpu surāyeri igūsārē béodi āārīmī. Puru iri dupuri āārīderore gajigu olivo makānūmuma dupurire puriñeātuadoregu, wiiri, puñeātuurosū iridi āārīmī. Irasiriderosū musārē judío masaka āārīmerārē igūyarā ñajāmakū iridi āārīmī. Irasirirā musā judío masaka āārībirikererā, āārīpereri Marīpu Abraham parāmerā āārīturiarārē oārīrē sigura, ārīdeare musāde ñeānerā āārībú.

¹⁸ Musārē igū irasirimakū: “Gua judío masaka nemorō oārā āārā”, ārī gūñabirikōāka! Ire gūñaka! Judío masaka olivogu Marīpu otedi irirosū āārīma. Musā gapu iriguque igū āitúdea dupuri irirosū āārā. Irasirigu judío masaka merā musārē iritamumi. Musā merā meta igūsārē iritamumi.

¹⁹ Musā judío masaka āārīmerā gapu āsū ārībokoa: “Surāyeri judío masakare, olivogu dupurire ditibéoderosū Marīpu igūsārē béodi āārīmī. Irasū béogu, gaji dupurire iriguque igū āitúderosū marīrē pídi āārīmī, igūyarā āārīmurārē”, ārībokoa musā.

²⁰ Irasūta āārā. Igūsā Jesucristore b̄remubiridea waja Marīpu igūsārē béodi āārīmī. Irasirigu musādere Cristore b̄remubirimakū, igūyarā āārīmakū iribiribodi āārīmī. Irasirirā: “Gua judío masaka nemorō oārā āārā”, ārī gūñabirikōāka musā! Irasū ārīmerāta Marīpure oārō goepeyari merā b̄remuka!

21 Pwrorima dwpwri irirosũ judío masaka Marĩpwyařã ããrĩpwrorinerã ããrĩmá. Mwsã gapw ĩgũsã pwrw ĩgũyarã waanerã ããrĩbú. Irasirigw Marĩpw ĩgũyarã ããrĩpwrorinerã ĩgũrẽ bwremubirimakũ, ĩgũsãrẽ béodi ããrĩmí. Mwsã ĩgũrẽ bwremubirimakũ, ĩgũsãrẽ béoderosũta mwsãdere béogukumi.

22 Marĩpw õãrõ irigw bopoñarĩrẽ, ĩgũ turari merã wajamoãrĩrẽ pémasĩka! ĩgũrẽ bwremumerãrẽ wajamoãgukumi. Irasirikeregw, mwsã piriro marĩõ ĩgũrẽ bwremunĩmakũ, mwsãrẽ õãrõ irigukumi. ĩgũrẽ bwremubirimakũ, ñerĩ dwpwrire ĩgũ ditibéoderosũta mwsãdere béogukumi.

23 Judío masaka ĩgũ béosũnerã Jesucristore bwremumakũ, ĩgũsãrẽ yukw dwpwrire ditibéodeare dupaturi irigwgueta ãĩtũro irirosũ irigukumi, ĩgũyarã ñajãmakũ irigw. ĩgũ sugwta ĩgũ turari merã irire irimasĩmi.

24 Mwsã judío masaka ããrĩmerã olivo makãñũmũma dwpwri irirosũ ããrã. Judío masaka gapw ĩgũ beyepwrorinerã ããrĩmá. Olivogw Marĩpw otedi irirosũ ããrĩma. Mwsã irigwgue ĩgũ ãĩtũdea dwpwri irirosũ ããrã. Irasirigw Marĩpw mwsãrẽ ĩgũyarã ñajãmakũ iridi ããrĩmí. Mwsãrẽ irasirikeregw, judío masakare ĩgũ beyepwrorinerã gapwre mwsã nemorõ ĩgũyarã dupaturi ñajãmakũ irimasĩmi.

Pwrgue Israel bumarãrẽ Marĩpw taugukumi, ãrĩ gojadea

25 Yaarã, masaka iripoegue masĩbirideare, Marĩpw ĩgũ gũñaderosũta iriburire weregura mwsãrẽ: “Gwa judío masaka nemorõ masĩpeokõã”,

ãrĩ gũñabirikõãburo, ãrĩgũ. Wárã judío masaka Marĩpũyare pémasĩturabema dapa. Marĩpũ judío masaka ããrĩmerãrẽ: “Bũremurãkuma”, ãrĩnerãkuta Cristore bũremudero pũrũ, judío masakade bũremurãkuma.

²⁶ Ìgũsã irasũ bũremumakũ, ããrĩpererã Israel bumarãrẽ Marĩpũ Ìgũsã peamegue waabonerãrẽ taugukumi. Ìgũya werenírĩ gojadea pũgue ãsũ ãrĩ gojasũdero ããrĩbú:

Jerusalẽgue, Siõn wãĩkuri makãgue, judío masakaya makãgue Ìgũsãrẽ taubu aarigukumi. Ìgũsãrẽ Jacob parãmerã ããrĩturiarãrẽ Ìgũsã ñerĩrẽ béogukumi.*

²⁷ Marĩpũ ãsũ ãrĩmi: “Ìgũsãrẽ ñerĩrẽ béogu, yu Ìgũsãrẽ ãrĩdeare irĩgũkoa”, ãrĩ gojasũdero ããrĩbú.*

²⁸ Inũguere wárã judío masaka Jesucristoya kerere péduamerã, Marĩpũre iãturirã ããrĩma. Ìgũsã irasũ ããrĩmakũ, musã judío masaka ããrĩmerã gapũ Cristore bũremunũgãbũ. Irasirigu Marĩpũ judío masaka ñekũsãmarã Ìgũ beyenerã Ìgũsã ããrĩmakũ, Ìgũsãrẽ ããrĩturiarãdere maĩmi.

²⁹ “Ìgũsãrẽ õãrĩrẽ sĩgũra”, ãrĩ gũñadeare gor-awayubemi. Ìgũ ãrĩderosũta Ìgũ beyenerãrẽ õãrĩrẽ diayeta sĩgũkumi.

³⁰ Iripoeguere musãde Marĩpũ dorerire tarinũgãnerã ããrĩbú. Inũguere judío masaka Marĩpũ dorerire Ìgũsã tarinũgãmakũ ìãgũ, musã gapũre bopoñarĩ merã ìãmi.

³¹ Daporare judío masaka Ìgũ dorerire tarinũgãrã ããrĩma. Ìgũsã irasũ ããrĩkerepũrũ,

* 11:26 Is 59.20 * 11:27 Jer 31.33-34

Marĩpũ musãrẽ bopoñarĩ merã ããrõsũta, ãgũsãdere bopoñarĩ merã ããmi.

³² Æsũ ããrã. Marĩpũ ããrĩpererã masakare ãgũ dorerire ãgũsã tarinũgãmakũ, ãgũsãrẽ peresu irigu irirosũ iridi ããrĩmĩ, pũrugue ãgũ ããrĩpererãrẽ bopoñarĩ merã ããrĩrẽ masĩburo, ãrĩgũ.

³³ Marĩpũ marĩrẽ bopoñatarigu, turatarigu, ããrĩpererire masĩpeogu ããrĩmi. Irasirirã marĩ ãgũ gũñarĩrẽ, ãgũ iriburire õãrõ pémasĩbea.

³⁴ Æsũ ãrĩ gojasũdero ããrĩbũ Marĩpũya werenĩrĩ gojadea pũgue: “Masaka marĩ Opũ gũñarĩrẽ õãrõ pémasĩbema. Irasirirã ãgũrẽ: ‘Æsũ irika!’ ãrĩ were-masĩbema.

³⁵ Marĩpũre gajino sĩ, pũrũ: ‘Marĩrẽ wajamomi’, neõ ãrĩmasĩbema”, ãrĩ gojasũdero ããrĩbũ.

³⁶ Marĩpũ ããrĩpererire iridi ããrĩmĩ. ãgũ turari merã ããrĩpererire ããrĩmakũ iridi ããrĩmĩ. Irasiriro ããrĩpereri ãgũya dita ããrã. Irasirirã ããrĩpererã ãgũrẽ: “Õãtaria mũ”, ãrĩ, mũyari sĩnĩkõãrã! Irasũta irirã!

12

Marĩpũ dorerire irinĩkõãka! ãrĩ gojadea

¹ Yaarã, Marĩpũ marĩrẽ bũro bopoñarĩ merã ããmi. Irasirirã marĩrẽ ãgũrẽ bũremurã waibũ sũnaderosũta daporare marĩ basita sĩrõ gããmea. Irasirirã marĩ okaro bokatĩũrõpã ãgũyarã ããrĩã ãgũ dorerire õãrõ irinĩkõãrã! ãgũrẽ marĩ merã mũyamakũ gããmerã, irasirirãkoa. Æsũ iriro gããmea marĩrẽ ãgũrẽ bũremurãrẽ.

² I mũmũ marã ãgũsã ñerĩ iririkũrere neõ irinemobirikõãrã! Æsũpero gapũ ãrĩrã! Marĩpũre: “Gũã gũñarĩrẽ õãrĩ gapũre

gorawayuwāgānīkōāka!” ārīrā! Īgū marīrē gorawayumakū, marī Īgū gāāmerīrē: “Āsū āārā”, ārī masīrākoa. Īgū gāāmerī, ōārī dita āārā. Iri, űērī marīrī āārā. Marī Īgū gāāmerīrē irirā, Īgūrē ɯɯyamakū irirākoa.

³ Marīɸ ɸare ōārō irigɸ, ɸɯsārē Īgūya kerere weredoregɸ beyedi āārīmī. Irasirigɸ ɸɯsārē āārīpererārē āsū ārī weregɸra. Neō sugɸ irimasībirikeregɸ: “ɸɸ irikōāmasīa”, ārī gūñabirikōārō gāāmea. Marī irimasīrī direta: “Diaye irimasīa”, ārī gūñarō gāāmea. Irasirirā marī masakakɸ āsū ārī gūñarā: “Marīɸ ɸare irimasīrī pídeare Īgūrē ɸɸ ɸɸremurō oparosūta ɸɸ bokatīūrō irimasīa”, ārī gūñarā!

⁴ Sugɸ masakɸya dupɸ āsū āārā. Su dupɸ āārīkerero, wári opáa. Wári āārīkerero, ɸarosū moābea.

⁵ I irirosūta marī Jesucristore ɸɸremurā wārā āārīkererā, Īgū merā āārīrā sugɸya dupɸ irirosū āārā. Irasirirā marī āārīpererā su dupɸma moārō irirosū yāa.

⁶ Irasirigɸ Marīɸ marīrē maīgū, marī masakakɸre gajerosūperi dita marī irimasīburire pídi āārīmī. Irasirirā irire ōārō iriro gāāmea. Marīrē Īgūya kerere weretaudoregɸ pímakū, marī Īgūrē ɸɸremurō oparosūta Īgūyare gajerārē ōārō weretauro gāāmea.

⁷ Marīrē gajerārē iritamudoregɸ pímakū, Īgūsārē ōārō iritamurō gāāmea. Gajerārē Īgūyare buedoregɸ pímakū, Īgūsārē ōārō buero gāāmea.

⁸ Marīrē gajerārē gūñaturamakū irimurārē pímakū, irire ōārō iriro gāāmea. Marīrē gajerārē

Īgūsā gāāmerīrē sīmurārē pímakū, gajinorē sīrā
ōārō ʘsʘyari merā sīrō gāāmea. Marīrē gajerārē
doremurārē pímakū, ōārō merā dorero gāāmea.
Marīrē gajerārē bopoñarī merā iritamumurārē
pímakū, Īgūsārē iritamurā ʘsʘyari merā iritamurō
gāāmea.

*Jesucristore bʘremurā āsūpero āārīdorea, ārī go-
jadea*

⁹ Gajerārē maīrā, diayeta maīka! Ņerīrē dooka!
Ōārī gapʘ direta iriwāgānīka!

¹⁰ Mʘsā Jesucristore bʘremurā, sugʘ pūrā
gāme maīrōsūta mʘsā merāmarā merā gāme
maīka! Īgūsāya āārīburire mʘsāya nemorō gūñaka!
Bʘremurī merā ōārō gāme iritamuka!

¹¹ Marī Opʘ dorerire irirā, neō tébori marīrō ōārō
ʘsʘyari merā irika!

¹² “Marīpʘ ōārō iritamugʘkumi yʘre”, ārī,
ʘsʘyari merā Īgū iritamuburire yúka! Irasirirā
ñerō tarirā, Marīpʘre piriro marīrō sʘrosū
gūñaturari merā bʘremunīkōāka! Īgūrē irasū
sērēnīkōāka!

¹³ Jesucristore bʘremurā gajino gāāmemakū ĩārā,
mʘsā opari merā Īgūsārē iritamuka! Mʘsāya wi-
irigue ejarārē ōārō bokatīrīñeāka!

¹⁴ Mʘsārē ñerō irirārē Īgūsāya āārīburire
Marīpʘre sērēbosaka! “Īgūsā yʘre ñerō iriri waja
Īgūsārē wajamoāka!” ārī sērēbirīkōāka!

¹⁵ Gajerā ʘsʘyamakū ĩārā, Īgūsā merā mʘsāde
ʘsʘyaka! Gajerā oremakū ĩārā, mʘsāde Īgūsā merā
oreka!

¹⁶ Gajerā merā sʘrosū ʘsʘyari merā
āārīrikaka! “Yʘ gajerā nemorō ōāgū āārā”,

ãrĩ gũñabirikõãka! Ubu ããrĩrã merãdere õãrõ ããrĩrikaka! “Masĩtarinugãgũ ããrã yu”, ãrĩ gũñabirikõãka!

17 Gajerã musãrẽ ñerõ irikerepuru, ïgüsãrẽ ñerõ iri gãmibirikõãka! Ñerĩ gapure irirono irirã, ããrĩpererã masaka ïürõrẽ õãrĩ gapure irika!

18 ããrĩpererã merã musã õãrõ ããrĩrikaburosũta musã bokatĩürõ õãrĩrẽ irika!

19 Yaarã yu maĩrã, gajerã musãrẽ ñerõ irikerepuru, ñerõ iri gãmibirikõãka! Musã basi ïgüsãrẽ wajarãkubirikõãka! Marĩpu gapu musãrẽ ñerõ irinerãrẽ wajamoãgukumi. ïgũya werenĩrĩ gojadea pũgue ãsũ ãrĩ gojasũdero ããrĩbú: “Marĩ Opu ãsũ ãrĩmi: ‘Yu gapu, masaka ñerõ iridea waja ïgüsãrẽ wajamoãgũ ããrã. ïgüsãrẽ diayeta wajamoãgura’, ãrĩmi”, ãrĩ gojasũdero ããrĩbú.

20 Gaji ãsũ ãrĩ gojasũdero ããrĩbú: “Mure ïãturigu uaboamakũ ïãgũ, baari ejoka! ïgũ ñemesibusũmakũ ïãgũ, iirĩri tĩãka! Mu irasirimakũ, ïgũ mure ñerõ irideare guyasĩrĩgukumi”.

21 Irasirirã musãrẽ ñerõ irinerãrẽ ñerõ iri gãmibirikõãka! Ñerĩ gapure irirono irirã, ïgüsãrẽ õãrõ irika! Irasiriri merã ñerĩ iririre tarinugãrãkoa.

13

1 Marĩpu dita i ãmu marã oparãrẽ sóomi. ïgũ pĩnerã ããrĩma. Irasirirã ããrĩpererã ïgüsãrẽ õãrõ yujaka!

2 Sugũ oparãrẽ tarinugãgũno, Marĩpu pĩnerãrẽ tarinugãgũ yãmi. Marĩpu ïgüsãrẽ tarinugãrãrẽ wajamoãgukumi.

³ Oparā, ōārō irirārē güimakū iribema. Ñerō irirā gapure güimakū yáma. Güimerāta āārīrikuduarā, ōārō irika! Irasirimakū, oparā müsārē: “Ōārō yáa”, ārīrākuma.

⁴ Marīpu ĩgūsārē müsāya āārīburire iritamudoregu pídi āārīmí. Irasirirā ñerō irirā güika! Oparā, ñerī irirārē wajamoārā, Marīpu dorero irirāta yáma. Marīpu ñerō irirārē wajamoāadoregu oparārē pídi āārīmí.

⁵ Irasirirā oparā marīrē doremakū, buremurī merā ĩgūsā dorerire ōārō yujuro gāāmea. Wajamoārī, ārīrā dita yujubirikōārō gāāmea. “Marīpu ĩūrō ĩgū gāāmerīrē iridukoa”, ārī güñarī merā ĩgūsā dorerire ōārō yujuro gāāmea.

⁶ Oparā ĩgūsā moārīrē ōārō irirā, Marīpure moāboerā irirosū āārīma. Irasirirā ĩgūsā wajasearopā keoro wajarika!

⁷ Āārīpererā oparā dorerosūta keoro irika! ĩgūsā wajaseamakū wajarika! ĩgūsā gajinorē irimurā wajaseamakūde wajarika! Irasirirā müsā oparārē buremuka! ĩgūsārē goepeyari merā ĩāka!

⁸ Neō gajerārē wajamorīrē opabirikōāka! ĩgūsārē wajamorīrē oparono irirā, maĩrī gapure opaka! Sugū ĩgū bokajagunorē maĩrī merā iritamugūno, Marīpu doreri pídeare keoro irigu yámi.

⁹ Āsū ārā Marīpu doreri pídea: “Gajigu marāpo merā, nomede gajego marāpu merā ñerō iribirikōāka! Masakare wējēbéobirikōāka! Yajabirikōāka! Gajerāyamarē ārīgatori merā werebirikōāka! Gajerāyare ʘaribejabirikōāka!” ārī werea. Gaji ĩgū doreri pídea āsū ārā: “Mu

basi maĩrõsũta mu puo ããĩrãdere maĩka!” ãĩ werea. Musã gajerãrẽ maĩrã, Marĩpu doreri pídea ããĩpererire irirã yáa.

¹⁰ Gajerãrẽ maĩgũno, ĩgũsãrẽ neõ ñerõ iribemi. Irasirigu ĩgũsãrẽ maĩgũno, Marĩpu doreri pídeare iripeogu yámi.

¹¹ I ããĩpererire gũñaka! Irasirirã pémasĩka! Kãĩrã irirosũ ããĩbirikõãka! Marĩ iripoegue Jesucristoya kerere bũremupũrorirã, ãmugasigue marĩ waaburi dũyataria, ãrãdibũ. Daporare marĩ masĩa. Jesucristo dupaturi aariburo mérõ dũyáa.

¹² Irasiriro boyomũĩriro irirosũ ããrã. Irire masĩrã, ñerĩrẽ masaka naĩtĩãrõgue iririre pirirã! Õãĩrẽ boyorogue masaka ĩũrõ iriri gapũre irirã! Marĩ irasirirã, Marĩpu turari merã ñerĩ iririre pirikõãrãkoa.

¹³ Irasirirã masaka ãmũ merã deyorogue õãĩrẽ irirã irirosũ irirã! Bosenũĩ ããĩmakũ, mejã, gainĩbirikõãrã! Nome merã ñerõ iribirikõãrã! Nomede ãma merã ñerõ iribirikõãburo. Gajerã merã gãme guaseobirikõãrã! Gajerãyare ububirikõãrã!

¹⁴ Æsũ gapũ ããĩrikũrã! Marĩ Opũ Jesucristo iritamũĩ merã ĩgũ irirosũ õãrõ ããĩrikũrã! Marĩ ñerĩ ãaribejarire iridũarire pirikõãrã!

14

Marĩ Jesucristore bũremurã gãme werewũabirikõãrõ gããmea

¹ Sugũ Jesucristore bũremuturabi ããĩkeregũ, ĩgũ musã merã ããĩĩdũamakũ, ĩgũrẽ werewũaro marĩrõ

ñeãka! Īgūrē ñeārã, Marĩpuyare masĩbirimakũ ãrã, ĩgũ merã guaseobirikõãka!

² Gajerã surãyeri Jesucristore b̃remurã: “Marĩ ããrĩpereri baamakũ õãgorã”, ãrĩma. Gajerã gapũ Jesucristore b̃remuturamerã: “Marĩ waibũ dí baarã, Marĩpũ dorerire tarinũgãbokoa”, ãrĩ gũñama. Irasirirã oteri direta baarikũma.

³ ããrĩpererire baagũ, oteri direta baagure irasũ ããbẽobirikõãburo. Oteri direta baagude ããrĩpererire baagure: “Irasũ baamakũ ñegorã”, ãrĩbirikõãburo. Marĩpũ ããrĩpereri baagudere: “Yaagũ ããrĩmi”, ãrĩ ããsiadi ããrĩmĩ.

⁴ Marĩ gajigure moãboegure: “Ñerõ yã”, ãrĩmasĩbirikoa. Īgũ opũ dita irasũ ãrĩmasĩmi. Marĩ Jesucristore b̃remurãde irasũta ããrã. Irasirirã marĩ gajerã Jesucristore b̃remurãrẽ: “Ñerõ yã”, ãrĩmasĩbirikoa. Marĩpũ ĩgũsã Opũ ããrĩmi. Īgũ suguta ĩgũsãrẽ: “Õãrõ yã, o ñerõ yã”, ãrĩmasĩmi. Īgũ turagũ ããrĩsã, ĩgũyarãrẽ ĩgūrẽ õãrõ b̃remuturamakũ irigũkumi.

⁵ Gaji werenemogura m̃sãrẽ. Surãyeri: “Sunũta gajinũrĩ nemorõ Marĩpũre b̃remurõ gããmea”, ãrĩ gũñama. Gajerã gapũ: “ããrĩpererinũrĩ sũrosũ, Marĩpũya ããrã”, ãrĩ gũñama. Irasirirã masakakũ: “Marĩpũ yũre ãsũ irimakũ gããmemi”, ãrĩ gũñarõ gããmea.

⁶ Sugũ: “Irinũno direta nerẽ, Marĩpũre b̃remudorea”, ãrĩ gũñagũ, Marĩpũre b̃remubu irasũ ãrĩ gũñami. Gajigũ ããrĩpererire baagude Marĩpũre: “Yũ baari, mũ sĩdea ããrã”, ãrĩ, usũyari sĩmi. Irasirigũ ĩgũde Marĩpũre b̃remugũta ããrĩmi. Gajigũ gajinorẽ baabide Marĩpũre b̃remumi.

Īgūde Marīpūre: “Y_u baari, m_u sīdea āārā”, ārī, u_syari sīmi.

⁷ Marī okarā, boarāde marī basi: “Āsū irigura”, ārīmasīña máa.

⁸ Marī, Jesucristoyarā marī okarinurīrē Īgūyare irimurā āārā. Marī boadero pūrugedere Īgūyarā āārīnikōārākoa. Irasirig_u marī okamakū, marī boamakūdere Cristo marī Op_uta āārīnikōāg_ukumi.

⁹ Irasūta āārā. Cristo boa, p_uru masādi āārīmī āārīpererā okarā, boanerā Op_u āārību.

¹⁰ Iro merē, ĩnasirirā m_usā gajerā Jesucristore b_uremurārē: “Ñerō yāma”, ārī werew_uari? ĩNasirirā Īgūsārē irasū ĩābéokōārī? Cristo marī āārīpererārē Īgū diaye nīdoreg_ukumi marī irideare werebu. Irasirirā gajerā Jesucristore b_uremurārē: “Ñerō yāma”, ārī werew_uabirikōārō gāāmea.

¹¹ Marīp_uya werenīrī gojadea pūgue āsū ārī gojasūdero āārībú:

Āsū ārīmi marī Op_u: “Y_u okag_u āārā. Y_u werenīrī diayeta āārā. Āārīpererā y_u ĩūrō ñaduk_upuri merā ejamejārākuma. Āārīpererā y_ure: ‘M_u, g_ua Op_u oāg_u, turag_u āārā’, ārīrākuma”, ārī gojasūdero āārībú.*

¹² Irasirirā, Marīp_u marī irideare sērēñamakū, marī masakak_u āārīpereri marī irideare wererākoa.

Neō m_usā iriri merā gajerā Jesucristore b_uremurārē ñerī irimakū iribirikōāka!

¹³ Irasirirā gāme werew_uanemobirikōārā! Āsū gap_u ārī gūñarā! “G_ua iriri merā gajerā Jesucristore b_uremurārē ñerī irimakū irid_uabirikoā”, ārī gūñarā!

* 14:11 Is 45.23

14 Y_u, marĩ Op_u Jesucristore b_uremug_u, a_sũ õãrõ masĩa. Aãrĩpereri Marĩp_u baari pídea õãgoráa yare. Gajig_u gap_u: “Y_u irire baamak_u, ñegoráa”, a_rĩ gũñamak_u, ìg_urẽ diayeta ñegoráa.

15 I diayeta aãrã. Gajig_u Jesucristore b_uremug_u, ìg_u baabirire m_usã baamak_u ìãg_u: “Iri Marĩp_u baadorebiridea aãrã”, a_rĩ gũñakereg_u, m_usãrẽ ìãk_uĩ, baabokumi. Iras_u baag_u: “Ñerõ iriab_u”, a_rĩ gũñarik_ubokumi. Irasirirã, ìg_u baabirire dupaturi baarã, ìg_urẽ maĩrã meta yáa. Cristo ìg_udere boabosadi aãrĩmĩ. Irasirirã m_usã baari merã gajig_u Cristore b_uremug_urẽ poyanorẽbirikõãka!

16 Irasirirã: “G_ua a_sũ iriri õãgoráa”, a_rĩ gũñakerep_ur_u, gajerã gap_u m_usãrẽ: “Ñerõ yáma”, a_rĩ werew_uamak_u pérã, dupaturi irire irinemobirikõãka!

17 Marĩp_u ìg_uyarãrẽ doreri: baa, iiriri meta aãrã. I gap_u aãrã. Diayemarẽ irinĩrĩ, ìg_u merã siuñajãrĩ opari, _usuyari merã aãrĩrĩ aãrã. Irire Õãg_u dey-omarìg_u iritamurĩ merã iris_ua.

18 Sug_u iras_uta Cristoyare õãrõ irig_u Marĩp_ure _usuyamak_u yámi. Masakade ìg_u õãrõ irimak_u ìãrã, ìg_urẽ: “Õãrõ yámi”, a_rĩrãkuma.

19 Marĩp_u merã siuñajãrĩ opamurã, marĩ basi gãme iritamumurã irasiro gããmea. Irire irirã, Jesucristore b_uremunemowãgãnrãkoa.

20 Marĩp_u Jesucristore b_uremurãnorẽ ìg_u merã õãrõ aãrĩmak_u yámi. Irasirirã, m_usã baari merã Marĩp_uyare ìg_usã iririre pirimak_u iribirikõãka! Diayeta aãrĩpereri Marĩp_u baari pídea õãrĩ dita aãrã. Gajig_u ìg_u baabirire m_usã baamak_u ìãg_u: “Iri Marĩp_u baadorebiridea aãrã, irire baag_u ñerõ iri-

bokoa”, ãrĩ gũñakeregũ, mũsãrẽ ããkũĩ, baagũ ñerõ iribokumi. Irasirirã mũsã irire baarã, ãgũrẽ ñerõ irimakũ iribokoa. Mũsã irasiriri ñegorãa.

²¹ Gajigũ Jesucristore bũremugũrẽ marĩ iriri merã ãgũrẽ ñerĩ irimakũ iribokoa, ãrĩrã, ãsũpero iriro gããmea. ãgũ waibũ diĩ baabirimakũ ããrã, irire baabirikõãrõ gããmea. Iguĩ deko pãmudeare ãgũ iirĩbirimakũ ããrã, irire iirĩbirikõãrõ gããmea. ãgũrẽ Jesucristore bũremuturabirimakũ iribirikõãrõ gããmea.

²² “Marĩpũ ãũrõ yũ iriri õãgorãa”, ãrĩ bũremugũno irimarẽ gajerã bũremuturamerãrẽ guaseobirikõãburo. Sugũ: “Marĩpũ ãũrõ ñerõ iribea, waja opabea, diayeta yãa”, ãrĩ gũñagũ, mũyari merã ããrĩgũkumi.

²³ Gajigũ gapũ: “Iri baarire baagũ, ñerõ iribokoa”, ãrĩ gũñarikukeregũ irire baagũ, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikukererã irire irirã, waja opãa. ããrĩpereri marĩ irasiriri, ñerĩ iriri ããrã.

15

Gajerãya ããrĩburidere gũñarõ gããmea, ãrĩ gojadea

¹ Marĩ Jesucristore bũremurã, ãgũrẽ bũremuturamerãrẽ iritamurõ gããmea. Marĩya ããrĩburi direta iribirikõãrõ gããmea.

² Marĩ masakakũ marĩ pũro ããrĩrãya ããrĩburire gũñarõ gããmea, ãgũsãde Jesucristore bũremunemowãgãburo, ãrĩrã.

³ Cristode ãgũyama direta iribiridi ããrĩmĩ. Marĩpũya gapũre iridi ããrĩmĩ. Irasiriro ãgũrẽ waadeare Marĩpũya werenĩrĩ gojadea pũgue

āsũ ārĩ gojasũdero āārĩbú: “Mũrẽ ñerõ werenírã, yũguere ārĩmeétuma”.

⁴ Āārĩpereri iripoegue Marĩpũya werenírĩ gojadea marĩrẽ buedorero gojasũdero āārĩbú. Irire buerã, gũñatura, õārõ yũjũpũrãkũrãkoa. Irasirirã ñerõ tarirã, Marĩpũ iritamuburire mũsũyari merã yúa.

⁵ Marĩpũ marĩrẽ gũñatura, õārõ yũjũpũrãkũmakũ irigũ, Jesucristo gããmerõsũta mũsãrẽ sugũ pũrã irirosũ sũrosũ āārĩrikũmakũ iriburo.

⁶ Irasirirã mũsã āārĩpererã suro merã Marĩpũre marĩ Opũ Jesucristo Pagũre: “Õātaria mũ”, ārĩ, mũsũyari sĩrãkoa.

Jesucristo judío masaka āārĩmerãrẽ tauburire gojadea

⁷ Jesucristo ĩgũ marĩrẽ ñeãderosũta marĩde gajerãrẽ õārõ gãme bokatĩrĩñeãrõ gããmea, āārĩpererã Marĩpũre: “Õātaria mũ”, ārĩburo, ārĩrã.

⁸ Mũsãrẽ ire werea. Marĩpũ gũa ñekũsãmarãrẽ ĩgũ: “Āsũ irigũra”, ārĩdeare diaye iridi āārĩmĩ. Irasirigũ Jesucristo judío masakare iritamugũ i mũmũguere aaridi āārĩmĩ. ĩgũ irasiriri merã ĩgũ Pagũ ārĩdeare iri ĩmupeodi āārĩmĩ.

⁹ Irasũ āārĩmakũ, judío masaka āārĩmerã: “Marĩpũ gũadere bopoñagũ õātarimi”, ārĩdoregũ, aaridi āārĩmĩ. Marĩpũya werenírĩ gojadea pũgue gojaderosũta irasiridi āārĩmĩ. Āsũ ārĩ gojasũdero āārĩbú:

Marĩpũre āsũ ārĩmi: “Judío masaka āārĩmerã watopegue mũrẽ mũsũyari sĩgũra. ‘Turatarigũ

ããrã', ãrĩ bayapeogura mure", ãrĩmi, ãrĩ gojasũdero ããrĩbú.✠

10 Gajeroguedere ãsũ ãrĩ gojasũdero ããrĩbú:

Musã judío masaka ããrĩmerã Marĩpuyarã judío masaka merã usuyaka! ãrĩ gojasũdero ããrĩbú.✠

11 Gajeroguedere ãsũ ãrĩ gojasũdero ããrĩbú:

Ããrĩpererã judío masaka ããrĩmerã Marĩpere: "Õãtaria mu", ãrĩ, usuyari siburo. Ããrĩperero marã masaka: "Ìgũ turatarigũ ããrĩmi", ãrĩburo, ãrĩ gojasũdero ããrĩbú.✠

12 Isaíade ãsũ ãrĩ gojadi ããrĩmí David pagũ, Isaí wãikugure gojagũ:

Isaí parãmi ããrĩturiagũ aarigũkumi. Irasũ aarigũ, judío masaka ããrĩmerã Opũ ããrĩgũkumi. Ìgũsã Ìgũrẽ: "Gũare taubu ããrĩmi", ãrĩ buremurãkuma, ãrĩ gojadi ããrĩmí.✠

13 Marĩpũ marĩrẽ Ìgũ õãrõ iriburire usuyari merã yúmakũ irigũ, musãrẽ Ìgũrẽ buremurãrẽ usuyari, siuñajãrĩ s̃nemoburo. Irasirirã musã Õãgũ dey-omarĩgũ iritamurĩ merã nemorõ usuyari merã yúrãkoa.

14 Yaarã musã, yũ péñamakũ, Jesucristore buremurã, gajerã merã õãrõ ããrĩrikũa. Cristoyare õãrõ masĩa. Irasirirã musã basi irire õãrõ gãme weremasĩa.

15 Musã irasũ masĩkerepũrũ, i papera pũguere güiro marĩrõ irire gojáa, musã masĩdeare kãtibirikõãburo, ãrĩgũ. Marĩpũ yũre õãrõ irigũ, musãrẽ Jesucristoyare buedoregũ pími.

✠ 15:9 2 S 22.50; Sal 18.49 ✠ 15:10 Dt 32.43 ✠ 15:11 Sal 117.1

✠ 15:12 Is 11.10

16 Īgũ yure irasũ pímakũ, paía Marĩpũre gajino sĩrõ irirosũta yũ judío masaka ããrĩmerãrẽ ĩgũrẽ wiadũakoa, ĩgũyarã ããrĩburo, ãrĩgũ. Irasirigũ ĩgũsãrẽ Jesucristoya kerere buea. Yũ irasũ buemakũ pérã, Jesúre bũremurākuma. ĩgũsã irasũ bũremumakũ ĩãgũ, Marĩpũ ĩgũsãrẽ: “Ōãrã ããrĩma”, ãrĩ ĩãgũkumi. Ōãgũ deyomarĩgũ ĩgũsãrẽ Marĩpũyarã waamakũ irigũkumi. Irasirigũ Marĩpũ ĩgũsãrẽ: “Yaarã ããrĩma”, ãrĩ ñeãgũkumi.

17 Yũ Jesucristore bũremugũ, ĩgũ iritamurĩ merã Marĩpũ yure pídeare òãrõ yáa. Irasirigũ yũ moãrĩ merã òãrõ péñáa.

18 Irasirigũ Jesucristo yũ merã iridea direta mũsãrẽ weregũra. Mũsã judío masaka ããrĩmerãrẽ Marĩpũre bũremumakũ gããmesãgũ, yure iritamumi. Irasirigũ yũ bueri merã, yũ iriri merã mũsã judío masaka ããrĩmerãrẽ Marĩpũre bũremumakũ irimi.

19 Yũ, Marĩpũ turari merã iri ĩmurĩ merã, Ōãgũ deyomarĩgũ iritamurĩ merã mũsãrẽ buebũ. Irasũ buegũ, Jesucristo masakare tauri kerere Jerusalén merã buerũrori, pũgũ ããrĩpererogue buegorena, pũgũ Ilírigo wãĩkũrĩ nikũgue iri kerere buetũnubũ.

20 Gajerã buesũña marĩrõgue Jesucristoyare masĩmerãrẽ bũro buedũari merã buebũ. Irasũ buegũ, gajerã ĩgũsã buedeaguere buewekapeobiribũ.

21 Irasũ buegũ, Marĩpũya werenĩrĩ gojadea pũgue gojasũderosũta iribũ. Āsũ ãrĩ gojasũdero ããrĩbũ Cristore masĩbirinerã masĩburire:

Īgũya kerere neõ pébirinerã weresũrākuma.
Īgũyare neõ pébirinerã òãrõ pémasĩrākuma,

ãrĩ gojasũdero ããrĩbú.✧

Pablo ìgũ Romague waaburire gojadea

²² Y_H gaji makārĩ marārē buegorenasĩã, wári m_{us}ārē ìãgũ waad_Hakereg_H, waamasĩbirib_H dapa.

²³ Dapagueta iri makārĩguere y_H moārĩ peoa. Irasirig_H iripoegueta m_{us}ã p_uroguē waad_Hanĩdi ããrĩsĩã, p_Hr_H weya iroguē waag_Hra, m_{us}ã merã ããrĩbu.

²⁴ Irasirig_H Españague waagú, m_{us}ã p_uro eja, m_{us}ārē ìã, _HS_Hya, m_{us}ã merã mérõgã ããrĩ, p_Hr_H m_{us}ã y_Hre iritamurĩ merã tariag_Hra.

²⁵ Daporare Jerusalēgue waap_uroribu yáa dapa. Iro marārē Jesucristore b_Hremurārē iritamugũ, niyeru ãĩabu yáa.

²⁶ Jesucristore b_Hremurã Macedonia, Acaya marã Jerusalēgue ããrĩrārē boporārē gũña, niyerure neeõ, iriud_Hama ìgũsārē iritamurã. Irasirig_H iroguē iri niyerure ìgũsārē sīgũ waabu yáa.

²⁷ Judío masaka ããrĩmerã Macedonia, Acayague ããrĩrã, judío masaka Jerusalēgue ããrĩrārē gũñama ìgũsārē iritamumurã. Ìgũsã irasũ gũñarĩ õãgoráa. Judío masaka, judío masaka ããrĩmerã gap_ure Jesucristoya kerere werep_urorima. Irasirirã judío masaka ããrĩmerã Jesucristore b_Hremurã, Marĩp_H judío masakare: “Sĩg_ura”, ãrĩdeare ìgũsãde ñeãma. Irasirirã judío masaka ããrĩmerã ìgũsã opari merã judío masakare boporārē iritamurõ gããmea.

²⁸ Irasirig_H Jerusalén marārē iri niyerure y_H sĩ odoadero p_Hr_H, Españague waagú, m_{us}ārē ìãtariag_Hra.

✧ 15:21 Is 52.15

29 Y_u m_usã p_uro_gue waagú, Jesucristoya kerere m_usãrẽ wereg_ukoa. Irasirirã m_usã iri merã õãrõ y_uj_up_urãk_urãkoa.

30 Yaarã, m_usã marĩ Op_ure Jesucristore b_uremua. Õãgũ deyomarĩgũ marĩrẽ gãme maĩmakũ yámi. Irasirig_u y_u m_usãrẽ ãsũ irimakũ gããmea. Y_ure iritamurã, yaa ããrĩburire Marĩp_ure sêrẽbosaka, y_u moãrĩmarẽ!

31 Ìgũrẽ yaa ããrĩburire ãsũ sêrẽbosaka! Judea nikũ marã Jesúre b_uremumerã y_ure ìgũsã ñerõ irid_uamakũ, Marĩp_u y_ure iritamuburire sêrẽka! Jerusalén marãrẽ iri niyerure y_u sĩmakũ, Ìgũsã irire _us_uyari merã õãrõ ñeãburire sêrẽka!

32 M_usã irasũ sêrẽmakũ, Marĩp_u gããmemakũ, _us_uyari merã m_usã p_uro waag_ukoa. Irasirig_u m_usã merã _us_uya, siuñajãg_ukoa.

33 Marĩp_u marĩrẽ siuñajãrĩ merã ããrĩmakũ irig_u, m_usã ããrĩpererã merã ããrĩburo. Irasũta ããrĩburo.

16

Pablo Romague ããrĩrãrẽ õãdoreri gojadea

1 G_ua merãmo Jesucristore b_uremugõ Febe wãik_ugo m_usã p_uro_gue waabo yámo. Igo Cencrea wãik_uri makãgue Jesucristore b_uremurãrẽ iritamugõ ããrĩmo.

2 M_usã Jesucristore b_uremurã _us_uyari merã igore bokatĩrĩñeãka! Marĩrẽ Jesucristore b_uremurãrẽ irasũta õãrõ bokatĩrĩñeãrõ gããmea. Igo wárãrẽ iritamudeo ããrĩmo. Y_udere iritamumo. Irasirirã, igo gajino gããmemakũ iritamuka!

³ Aquila, ĩgũ marãpo Priscilade õãburo. Jesucristoyare yu buemakũ, ĩgũsãde yure buetamuma.

⁴ Gajerã yure wẽjẽdũamakũ, ĩgũsã yure iritamurĩ waja ĩgũsãdere mérõ wẽjẽboyama. ĩgũsã yure irasũ õãrõ iritamurĩrẽ yu dita Marĩpũre ɥɥyari sĩbea. Judío masaka ããrĩmerã Jesucristore bũremurã ããrĩpererã Marĩpũre ɥɥyari sĩma.

⁵ Jesucristore bũremurã Aquilaya wiigue nerẽnarãde õãburo. Yu maĩgũ Epenetode õãburo. ĩgũta Asiaguere Cristore bũremupũrorinũgãdi ããrĩmĩ.

⁶ Maríade õãburo. Igo mũsã merã bũro moãyupo.

⁷ Yaarã Andrónico, Juniade õãburo. Peresu yu ããrĩmakũ, ĩgũsãta yu merã ããrĩmã. Yu Cristore bũremuburi dupuyuro ĩgũsã gapu bũremunũgãsianerã ããrĩmã. Jesús buedoregu pĩnerã ĩgũsãrẽ: “Diayeta õãrã ããrĩma”, ãrĩ werenĩma.

⁸ Amplias yu maĩgũ Jesúre bũremugũ õãburo.

⁹ Urbano õãburo. ĩgũde gũa merã moãmi, Jesucristoya kerere masakare buegu. Yu maĩgũ Estaquide õãburo.

¹⁰ Apelede õãburo. ĩgũ diayeta Jesucristore õãrõ bũremumi. ĩgũ iririkũrĩre ĩãrã: “Cristore õãrõ bũremugũ ããrĩmĩ”, ãrĩ masĩa. Aristóbuloa wii marãde õãburo.

¹¹ Gajigu yaagu judío masakũ Herodiõde õãburo. Narcisoya wii marã marĩ Opũ Jesúre bũremurãde õãburo.

¹² Trifena, Trifosa õãburo. ĩgũsã nome marĩ Opũ Jesúyare moãma. Gũa maĩgõ Pérsidade õãburo. Igode marĩ Opũ Jesucristoyare bũro moãmo.

13 Rufode òãburo. Æãrĩpererã ìgũrê: “Jesucristore òãrò b̃remumi”, ãrĩ ìãma. Ìgũ pagode òãburo. Igo, yupo irirosũta yare òãrò irimo.

14 Asíncrito, Flegonte, Hermes, Patrobas, Hermas, gajerã Jesúre b̃remurã ìgũsã merã ããrĩrãde òãburo.

15 Filólogo, Julia, Nereo, ìgũ pagumode Olimpas, gajerã Jesúre b̃remurã ìgũsã merã ããrĩrãde òãburo.

16 Mũsã gãme òãdorerã, òãrò usuyari merã, b̃remurĩ merã pábua òãdoreka! Æãrĩpererã Jesucristore b̃remurã mũsãrê òãdoreri iriuma.

17 Yaarã mũsã Jesucristore b̃remurã, surãyeri mũsã watopegue ããrĩrã ìgũsã iriri merã mũsãrê ñerò irimakũ, mũsãrê gãme dukawarimakũ iridũama. Irasirirã, mũsãrê Jesúyare buedeare goroweodũama. Irasirirã irasũ ããrĩrãrê wapikubirikõãka!

18 Ìgũsã, marĩ Opũ Jesucristo dorerire irirã meta ããrĩma. Ñerĩrê ìgũsã waribejari direta irirã ããrĩma. Ìgũsã òãrò péma òãrĩ werenĩrĩ merã pémasĩturamerãrê ãrĩgatoma. Ìgũsã irasũ ãrĩgatomakũ, ìgũsãrê òãrò pétuyama. Irasirirã ãrĩgatorimasãrê wapikubirikõãka!

19 Æãrĩpererã masaka mũsã Jesucristoyare òãrò iririre masĩsiamã. Irasirigu yu mũsã merã buro usuyáa. Yu mũsãrê òãrĩ gapure masĩmakũ gããmekoa. Neõ ñerĩ tamerãrê gããmesãbirikoa.

20 Marĩpũ marĩrê òãrò siuñajãrĩ merã ããrĩmakũ irigu, mérõgã purũ wãtẽa opũ Satanárê béogukumi, mũsãrê neõ tarinũgãnemobirikõãburo, ãrĩgũ. Marĩ Opũ Jesucristo mũsãrê òãrò iritamunĩkõãburo.

21 Timoteo y_u merã Jesucristoya kerere wereta-mugorenagũ m̄sãrẽ õãdoremi. Yaarã Lucio, Jasón, Sosípater m̄sãrẽ õãdorema.

22 Y_u, Tercio wãikug_u i pũrẽ Pablöre gojabosáa. Ìgũ y_ure gojadorerire gojatúa. Irasingũ y_ude Jesucristore b̄remugũ, m̄sãrẽ Jesucristore b̄remurãrẽ õãdorea.

23 Y_u Pablo, Gayoya wii ããrã. Ìgũya wiigüe Jesucristore b̄remurã nerënema. Ìgũde m̄sãrẽ õãdoremi. Erasto, i makã marã oparãrẽ niyeru duripíboerimasũ m̄sãrẽ õãdoremi. Cuartode Jesucristore b̄remugũ m̄sãrẽ õãdoremi.

24 Marĩ Op_u Jesucristo m̄sãrẽ ããrĩpererãrẽ õãrõ iritamuburo. Irasũta iriburo.

Pablo us̄yari merã gojatũnudea

25 Daporare Marĩp_ure: “Õãtaria mu”, ãrĩ, us̄yari s̄rã! Marĩp_u, marĩ Op_u Jesucristoya kere merã marĩrẽ ìgũrẽ nemorõ b̄remumakũ yámi. Y_u iri kerere, Marĩp_u ìgũ Cristo merã marĩrẽ tauri kerere werea m̄sãrẽ. Neõgoragueta Marĩp_u ìgũ masakare: “Taugura”, ãrĩdea ããrĩsiadero ããrĩbú. Irasũ ããrĩkerep_u, ããrĩpererã masaka gap_u irire masĩbirinerã ããrĩmá.

26 Daporare Marĩp_uyare weredupuyunerã gojadea kere merã ìgũ marĩrẽ: “Taugura”, ãrĩdeare marĩ masĩa pama. Marĩp_u ããrĩnigũ ìgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yámi. ããrĩpererã masakare ìgũrẽ b̄remu, ìgũ dorerire iriburo, ãrĩgũ, irasũ yámi.

27 Marĩp_u suguta ããrĩmi. Ìgũ suguta ããrĩpererire masĩpeog_u ããrĩmi. Irasirirã Jesucristo iritamurĩ

merã ĩgũrẽ: “Õãtaria mũ”, ãĩ bũremunikõãrã!
Irasũta ĩrirã!
Iropãta ããrã.
Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
1a0774e8-d152-5929-891b-95e0d2238786